



蘇東平甲子

蘇東平甲子

蘇東平甲子

蘇東平甲子

蘇東平甲子

蘇東平甲子

蘇東平甲子

蘇東平甲子

張燕公集卷十二

唐


張

說

撰

序

大衍歷序



特進集賢院學士修國史上柱國燕國公臣說言歷者先王以明時授人敬天育物者也辰極恒居斗運不息晦朔相推而變月寒暑往來而成歲日月右轉周天之度啓星辰左旋正時之氣合積餘分而置閏配甲子而設節鳳鳥爲司疇人受職分分而加之者百鈞必過毫

文粹作石進

文粹作不見

毫而滅之者千里必差何則古法存而其人異也不有

新唐書曆志開元九年孫德廣異日修以不致治後一

行作新歷推大術教立術以存上較經史所書氣

朔日名朔度可考者皆合十五年草成而一行卒治物

進張說與歷官陳元景字以爲歷術七篇略例一篇

歷議十篇元宗欲征此則修制旨明年說表上之

心神武皇帝陛下欽崇天道慎

利歷十有三祀詔沙門一行上

侯之遺式下集太初至於麟

異同課其疎密或前疑而後

不探之象必發揮於神算大鈞

不測之氣盡觀縷于天聰迺更審晷度之短長覈星間

之廣狹經九道之朧朧糾五精之進退參九行天地之

數緯八卦六爻之序一轍於文王也覈春秋交蝕之辰

研九疇五絕之奧同文於孔子也杼軸萬象優柔四載

奏章朝竟一公夕落臣說奉詔金門成書冊府先有理

歷陳景善算起昇首尾參元之言接承轉籌之意因而

會輯編次勒成一部名曰開元大衍歷經七章一卷長

歷三卷歷議十卷立成法十二卷大筮九執歷一卷古

今歷書二十四卷略例奏章一卷凡五十二卷所以貫

三才周萬物窮數術先鬼神稱著曰者即聖人顧訪之

旨標謹按者是歷家進對之辭非軒后至聖不啓履端

之業非容成詣極不就歸餘之經據其圖也七政之天

文粹作奏章

文粹起作趙

會輯文粹作編會會當合

文粹長字下脫十二字

文粹作不見

毫而滅之者千里必差何則古法存而其人異也不有大聖孰能起之伏惟開元神武皇帝陛下欽崇天道慎徽月令受命再新改制創歷十有三祀詔沙門一行上本軒頊夏殷周魯五王一侯之遺式下集太初至於麟德二十三家之衆義比其異同課其疎密或前疑而後定或始會而終乖振古未探之象必發揮於神算大鈞不測之氣盡覲縷于天聰迺更審晷度之短長覈星間之廣狹經九道之朧朧糾五精之進退參九行天地之數緯八卦六爻之序一轍於文王也覈春秋交蝕之辰

文粹仰泰草

文粹起作趙

會輯文粹作編金全書合
字一誤
文粹長子下脫十二字

研九疇五紀之奧同文於孔子也杼軸萬象優柔四載奏章朝竟一公夕落臣說奉詔金門成書冊府先有理歷陳景善算起昇首尾參元之言承接轉籌之意因而會輯編次勒成一部名曰開元大衍歷經七章一卷長歷三卷歷議十卷立成法十二卷大筮九執歷一卷古今歷書二十四卷略例奏章一卷凡五十二卷所以貫三才周萬物窮數術先鬼神稱著曰者即聖人顧訪之旨標謹按者是歷家進對之辭非軒后至聖不啓履端之業非容成詣極不就歸餘之經據其圖也七政之天

文粹作八月

文粹司作日

心不遠守其術也千歲之日月可知蓋中黃之寶符太
紫之神器者也謹以十六年五月端午赤光照室之夜
皇雄成紀之辰當一元之出符獻萬壽之新曆伏望藏
之書殿錄於紀言掌之太史頒於司歷制曰可

唐昭容上官氏文集序

臣聞七聲無主律呂綜其和五采無章黼黻交其麗是
知氣有壹鬱非巧辭莫之通形有萬變非工文莫之寫
先王以是經天地究人神闡寂寞鑑幽昧文之辭義大
矣哉上官昭容者故中書侍郎儀之孫也明淑挺生才

華絕代敏識聰聽探微鏡地開卷海納宛若前聞搖筆
雲飛咸同威構初沛國夫人之方娠也夢巨人俾之大
秤曰以是秤量天下及昭容既生彌月夫人弄之曰秤
量天下豈在子乎孩遂啞啞應之曰是生而能言蓋爲
靈也越在襁褓入于掖庭天實啓之故毀家而資國運
將興也故成德而受任自助天久視之後中宗景龍之
際十數年間六合清謐內峻圖書之府外闢修文之館
搜英獵俊野無遺才右職以精學爲先左臣以無文爲
恥每豫游宮觀行幸河山白雲起而帝歌翠華飛而臣

唐詩記事上後字

唐詩記事上舉作舉

唐詩記事上姓作姓

唐詩記事上作然則文粹曰

賦雅頌之盛與三代同風豈惟聖后之好文亦云與主
之協贊者也古者有女史記功書過復有女尚書決事
宮閣昭容兩朝專美一日萬幾顧問不遺應接如響雖
漢稱班婕妤晉舉左嬪文章之道不殊輔佐之功則異迹
祕九天之上身沒重泉之下嘉猷令範代罕得聞庶姬
後學嗚呼何仰然而大君據四海之圖懸百靈之命喜
則九圍挾纘怒則千里流血靜則黔黎乂安動則蒼朧
罷弊入耳之語諒其難乎貴而勢大者疑賤而禮絕者
隔近而言輕者忽遠而意忠者忤惟窈窕柔曼誘掖善

唐詩記事上酒作樂文粹曰

唐詩記事上作來葉文粹曰

唐詩記事上管作曲掖作房
文粹記事上作曲

心忘味九德之衢傾情六藝之圃故登崑巡海之意寢
翦胡刈越之威息璿臺珍服之態消從禽嗜酒之端廢
獨使溫柔之教漸於生人風雅之聲流於末葉非夫元
黃毓粹貞明助忠衆妙扶識羣靈挾志誕異人之寶授
興王之瑞其孰能臻斯懿乎鎮國太平公主道高帝妹
才重天人昔嘗共遊東肆同宴北渚倏來忽往物在人
亡憫雕瑯之殘言悲素扇之空篋上聞天子求椒掖之
故事有命史臣叙蘭臺之新集凡若干卷列之如左

孔補闕集序

唐會稽孔季翊字季和識真之士也弱冠制舉授校書郎轉國子主簿年三十一卒於左補闕祖紹安中書舍人考楨絳州刺史季和清規素業有奕代之訓依仁游藝其聖者之後永昌之始接跡書坊有廣漢陳子昂鉅鹿魏知古高陽許望信都杜澄昌樂谷倚廣陵馬懷素東萊王無競河南元希聲臨淄李伯魚譙國桓彥範僉謂季和神清韻遠析理探微衛叔寶之比也嗚呼人斯云亡世閱多故十年之外零落將盡而後來者皆首華金步鳴玉負璽丹地揮毫紫宸何嘗於拜職之日歎在

劉王喬臨壇之時恨無謝益壽者矣頃見許渺之子風裁可觀潘子之門有尼夏侯之學傳建集作者五卷以示予稱從弟四人皆良器愴相如之遺草幸公業之不亡因叙曩意存之篇首云爾

洛州張司馬集序

夫言者志之所之文者物之相雜然則心不可蘊故發揮以形容辭不可陋故錯綜以潤色萬象鼓舞入有名之地五音繁雜出無聲之境非窮神體妙孰能與乎洛州司馬張公名希元中山人也族高辰象氣壯神

作銅鈿天開金印孝友內植禮樂外滋勵行聞庭鄉人
謂之曾子飛名都邑諸儒號曰聖童下帷思穿牆嗜
古蓬山芸觀之書羣玉懸金之詔魯宮藏篆汲冢遺編
無不目覽萬言暗藏三篋博學吞九流之要處盈若虛
雄辯敵四海之鋒退藏於密漢王問策知帝者之師楚
子聞名實詭侯之選故得雄飛白簡鷹揚丹筆卷襜帷
於天郡設鉤距於皇都若乃抗埋輪之章執驚馬之議
旌賢有通德之教疾惡有署背之交繼軌前途遇物成
興理闢刑政咸歸故事之臺義涉箴規盡入名臣之奏

加以許與氣類交遊豪傑仕遭夷險身更否泰昔嘗攝
戎幽易謫居邛嚮亭臯漫漫興去國之悲旗鼓洵洵助
從軍之樂時復江鶯遷谷隴雁出雲夢上京之臺洵想
故山之風月發言而宮商應搖筆而綺繡飛逸勢孤標
奇情新拔靈仙變化星漢昭回感激精微混韶武於金
奏天然壯麗絳雲霞於玉樓當代名流翕然宗尚自大
夫之頌成室太史之賦京都魏則十龍儒雅晉則三陽
藻綴朝分南北運迄周隋文人才子重世間出豈止柗
榴體物陳琳得以示人鷦鷯寄辭阮籍稱其王佐故以

開國籍鱗次乎史傳之首入文場羽儀乎天下之半公
增繁榮業栴栴之一枝彌廣源流荆江之九派宗門多
士斯為盛歟且如承家舊德之基賓王歷官之序玉瑄
銅渾之數黃公元女之符落猿瘴兕之巧飲鵲迴鸞之
妙詳諸列傳可畧言焉某室邇蘭芬族聯棣萼荷千里
之嘉獎接四友之良遊謹撰令弔式題前集七子賦詩
期取類於鄭志一家垂範庶齊衡于孔蕪來日新文請
俟君子起儀鳳之後迄景龍以前凡若干卷列之於目

季春下旬詔宴薛王山池序

文粹感作威

文粹留作刑

文粹作首獻之決辰暮春
之提

文粹作御府

有生之性萬殊無方之感一節陽和而動植暢春滿而
臯壤悅后皇所以發時令布新慶二南邁周召之風百
辟留金石之詠者也碧流日暖南山雪殘首獻歲之浹
辰尾暮春之提日帝京形勝借上林而入遊戚里池臺
就修竹而開宴泉賙玉府味給天廚仙倡宥樂中貴督
酒太平佳事前史未書大矣哉一德日新九功惟敘運
璇樞而均四氣握金鏡而靜萬方堯舜湯文不違顏於
咫尺夔龍伊呂共接手於朝廷不可見而見焉不可聞
而聞焉豈深思勝殘去殺累百年之至仁推歷按圖啓

文粹作寫鳳鳴箫鼓作

文粹消作痛

千齡之昌運河清難得人代幾何擊壤之歡良有以也
此則青門上路朱邱平臺城煙屢起而泊山野風時來
而過水春將悵別愛落花之灑途夏如欣會玩峯雲之
映沼爾其列筵授几分曹設幕艇送江鳧船迎海鶴魚
龍丸劔曼延揮霍鸞鳳簫鼓朋鳴輩作申錫開於百甕
慈心出於三爵炮炙薰林塘醪醴厭邱壑抃急管於無
算醉湛恩以取樂羣公賦詩俾僕題序長卿消渴覺含
毫之轉遲子雲壯夫見雕蟲之都廢敢憚鄙詞之訥澀
恐貽盛集之蕪穢云爾

先天醮宴序

先天元祀孟冬十月東都留守韋公實奉聖朝述宣嘉
旨乃合洛京之五省招河伊之二縣將吏咸集佩章有
序鏘鏘濟濟侃侃闔闔供張於興教之門式醮宴也原
夫樂生於心非因清風之奏和達於氣無待陽春之節
蓋澤之所及也深則情之所感者遠國家天地一統君
臣百年朝榮舊德之緒野服先疇之業元化漸漬洪恩
既久太上功德不宰夏后命子之初皇帝孝理無爲漢
祖事親之日生堯舜于天屬見文武之同時前古未逢

斯人何幸是日六樂振作萬舞萬舞鳥獸徘徊士女踴躍則知衆庶觀聽之所樂也旨酒絡繹大庖燔炙芳溢風煙醉流阡陌則知衣冠酣暢之所適也由近而視遠萬國之慶皆然自明而察幽三靈之歡可接若夫吟咏德澤播越仁聲斯固雅頌之餘風政教之遺美凡我詞客安敢闕如賦詩展事垂列於後

南省就寶尚書山亭尋花柳宴序

尋花柳者上賜羣臣之宴也大哉春氣同夫聖心無物不榮有情咸達况乃五教敷洽萬邦懷和尉侯警而莫

弛刑法存而不用歷觀近古此遇良難諸公入金門侍瑤殿窈窕雲閣葳蕤華館不亦泰乎然王事靡盬夙夜在公接良會於愷澤散煩襟於清曠不亦優乎爾其嘉賓爰集勝賞斯備召絲竹於伶官借池亭於貴里雕俎在席金羈駐門遠山片雲隔層城而助興繁鶯芳樹遶高臺而共樂旨酒未缺方塘半陰盍陳既醉之詩以永太平之印

鄴公園池餞韋侍郎神都留守序

夫良才出乎休運大任歸乎令德四海既安乃注意於

賢相兩都分正實具瞻于師尹鸞臺侍郎兼左庶子韋
公國之楨幹人之表儀矜嚴有叔子之容持重得楊公
之望門通禁省當朝稱累代之名管綜諸闈帖職盡一
時之美頃以五星東聚八月西巡武王既入於鎬京君
陳當往於洛邑中日晷之盈縮均天宇之會同清廟明
堂政理之本也太倉武庫兵食之原也機務所總半天
下之軍國聽訟實繁連海隅之郡縣恩有密而處遠事
有疎而授纒腹心遐寄惟賢是屬歲臨單闕月在長贏
同蕭何之居守當陰識之留鎮北闕拜辭西堂宴饒大

君垂藻承月露之光榮元良賜服被星海之耀潤執事
以同列之好載壺酒而送行鄴公以彌甥之禮掃郊園
而留別此地有離洲別嶼竹館荷亭曲沼環合而連注
叢山相望而間起幽隱長寂蕭條遠風通終南之雲氣
下昆明之水鳥爾其駐馬青林肆筵碧岸清管四發坐
客增悲高臺一望游人忘返韋公方祗率嘉命保釐成
周樹之風聲流我玉潔然而臨觴不樂首路遲遲瓊闥
如拜戀水央之宮闕錦服書遊懷杜林之桑梓層城比
下高蓋雲飛天子賦詩已載寵行之史羣公盛集須傳

出宿之文凡若干首合成一卷陸生何幸暫游朝宰之
間商也斐然慙述國風之序云爾

送工部尚書弟赴定州詩序

宵旰天子送冬卿之詩也河朔愆歲恒陽俟牧借威六
官導俗千里俾乎列城遷仰上之化鄰境蒙波及之澤
不然者豈一小郡而勞大賢哉尚書河東侯朝廷之舊
宰也操法度于掌握運陶鈞于方寸是將敷皇惠寒谷
挾纊而知暄暢君恩疲人飲德而自飽蘇其槁瘁樂我
陽和元宗殿國亦望于此于時春帶餘寒野銜殘雪太

官重味御酒百壺供帳臨岐假絲竹以留宴傾城出餞
會文章以寵行三台厚常察之意八座深聯事之矚既
而離人遽起班馬爭嘶尋太行之連山想邯鄲之長陌
雖仰瞻鴻鴈來往易於前期而相對桑榆遲暮難于遠
別送歸之地歡悵如何應制華篇凡若干首騫翔鸞鳳
欲挂千金之木糾台蛟龍附藏羣玉之府置之懷袖以
慰遐心云爾

送毛明府詩序

昔之謂良宰者講道議行訓俗式人出自郎官遷登郡

守不以才限流品位遷寵賂聖歷之際任賢稽古毛明
府執德不回發言無擇雍容文雅罷曲江之曳裾樽酒
絃歌卽羊卿之製錦甲朝辭洛宴別嘉賓孟夏涉河路
踐芳草看彼燕趙頃權戎寇金革毒三北之師杼軸醜
二東之賦毛公將勝苛居簡止濁徐清不下堂而爲理
有人境而先歎朋知坐間弦望何時益賦金谷之詩遠
送邯鄲之陌愛而不見同夫樹萱

會諸友詩序

谷子者昔與說聯務蓬山出入三載事志相得情深友

于尋屬吾人秩遷迫吏畿劇愛而不見春也再華今說
復謝書坊補他職窮援之意不擇儒林喜且把袂舊筵
解帶餘日臥玩文墨笑談平生茲歡豈多後面方永沉
沉春雨人亦淹留

臣秦恩復恭校

張燕公集卷十三

唐

張

說

撰

啟

上東宮請講學啟

臣某等啟臣聞安國家定社稷者武功也經天地緯禮俗者文教也社稷定矣固寧輯於人和禮俗興焉在刊正於儒範順考古道率由舊章故周文王之爲太子也崇禮不倦魏文帝之在青宮也好古無怠博覽史籍激揚令聞取高前代垂名不朽伏惟皇太子殿下英睿天

列傳公集 卷三
縱聖敬日躋神算密發雄威立斷廓清氛祲川寧家國
兆人由是歸德六合所以推功主鬯青宮固本也分務
紫極觀政也副羣生之望作累聖之儲殿下之於天下
可謂不輕矣監國理人可謂至重矣莫不拭目而視清
耳而聽冀聞異政以裨聖道臣愚伏願崇太學簡明師
重道尊儒以養天下之心今禮經殘缺學校陵遲歷代
經史率多紕繆實殿下闡揚之印刊定之秋伏願博採
文士精求碩學表正九經刊考三史則聖賢遺範粲然
可觀况殿下至性神聰畱情國體幸以問安之暇應務

之餘引進文儒詳觀文典商略前載討論得失降溫顏
開讜議則政途理體日以增益繼業承祧永垂德美臣
等行業素輕藝能寡薄顧慙端士叨侍宮闈日夜祇懼
無以匡輔區區微誠願効塵露輕進芻蕘庶乖採擇臨
啓如失伏用兢惶謹啓

書

與執政書

說拙於守身往年遷流嶺外亡親愁懼痼疾增加比蒙
生還曾未數歲家口在洛身徒入京及丁凶苦不獲侍

側比於他人情實不等在禮君親同貫事君無負事親有負不能殺身以自咎責乞過祥禫報國非遲三度表請不蒙矜遂當是文墨不盡苦心投之執事乞爲一言聞達不敢守禮抗請直是私情乞恩若以此情可矜猶冀聖人萬一哀憫若將遣越甘心待罪謹狀

與鄭駙馬書

晚尋莊周書以天地爲國道德爲身老室之戶牖孔門之棖闌足可反覆孝慈胎育仁義而晉朝賢士乃祖尚浮虛弛廢禮樂其所遺失將詣真宗不愈遠也老稱歸

文粹未作不

根曰靜復命知常復命近于無有知常其有知見耶斯故反照爾孔云窮神知化德之盛者神不可窮而窮之是神合于我化不可知而知之是化爲我用唯此二義繫莊生亦未始盡言焉非滎陽之深于道者孰爲輕導茲意也

露布

爲河內郡王武懿宗平冀州賊契丹等露布

大總管右金吾衛大將軍兼檢校洛州長史河內郡王臣某前軍總管行左衛翊府中郎將上柱國定陽郡開

國公臣楊元基行軍長史朝奉大夫守給事中護軍臣
唐奉一行軍司馬通議大夫行六官郎中鄭果等言臣
聞氛祲溽霄戎狄謀夏則武庫兵動中國有弧矢之威
文昌將飛邊城用金革之事蓋以式遏姦暴大庇黎人
震蠻蕩夷明罰耀武者也伏惟天冊金輪聖神皇帝陛
下仁覆有截化被無外皇圖木臣之黨帝載不庭之俗
罔不衣被聲教浸潤豈熙望雲向風密邇遐裔而契丹
兇醜奴隸餘苗非冒頓之雄族異單于之貴種徒以錯
居遠郡漸化平時田牧混乎四眈貿遷通于三市戍人

解甲邊馬垂轡禽獸飽而忘恩蜂虿養而恣毒敢孤亭
育自絕生成乃狠心干紀鴟張竊發虐我邊吏覆我鎮
軍人棘殘于夷落孤竹淪于荒虛陛下震赫斯之怒授
決勝之符天地合謀鬼神助順六狄舉國自蠻整衆運
攬槍而掃除從列缺而焚蕩臣飲冰受斧指日揚麾雖
謝河間之學竊慕任城之勇誓將首冒鋒刃躬先士卒
上假神兵之威下定鬼方之罪凶醜狂悖素無大志因
乘便利扇動姦回去歲嘗師疑一軍之盡化今春輕敵
見三帥之不歸蟻聚寶繁豺牙益厲結山戎以西寇連

島夷而東入臣乃廣開形勢大振聲威移告郡邑金湯
固守傳檄諸軍掎角相應清邊道大總管建安郡王攸
宜杖鉞薊門作鎮燕國當要害之地挫虎狼之羣高壘
深溝臥舊營而不動山蛇雲鳥陣死地而無疑總管沙
叱忠義王伯禮安道買等兵臨易水使接桑河岸渠衝
將士之冠雕騎落將軍之戰四面當敵九拒乘城御史
大夫婁師德總管高再牟薛思行并敵中山折衝外侮
訓厲鷹揚之士輯睦震驚之師其餘部散校分離綱別
緒兵車星布巡太行而綴碣石介馬雲羅挾衡漳而連

海浦山川積雨盡消邊騎之塵草木長風咸有王師之
氣清邊士馬稍南驅而擁蹙神兵甲卒漸北逐以威臨
但合圍而持重未輕挑而卽戰重以藩臣默啜統率氈
裘控弦逾于萬騎帶甲彌于千里長驅松漠掩集柳城
巢穴是空胎卵皆覆于時賊衆兵馬屯逼幽州聞其塞
外之敗懼有舟中之敵勢力外窘心腹內乖建安郡王
攸宜蓄銳淵停乘機電發援桴作氣則山岳動搖書箭
一飛則酋渠相滅兵纜接刃元兇授首春喉蔽野京觀
起于中州積甲成山組練收于外府雖本根斯拔已蕩

張燕公集 卷三
滌于一隅而餘蔓所滋尚聯延于數郡城帥何阿小等
頑凶是極奢僧爲資授其署置肆行驅掠幽陵之下不
知首惡之已擒兩河之間仍謂游魂之可恃士女遭其
逼脅軍城被其屠陷以殺戮爲事戶積虔劉之悲以劫
奪爲心家盈剝割之痛鹿城縣令李懷璧衣冠貴胄令
長崇埶背我朝恩歸城狄寇潛修甲杖輸以利器之資
見委兵權當其上將之任蠢茲狂亂暫同燎火言事剪
除方申沃雪臣乃盛兵邢趙塞井陘之隘命虎賁之將
邁其衝突之鋒長史唐奉一馳使洛魏據阿曹之津縱

羽林之雄挫其侵軼之勢臣又遣將軍總管忠武將軍
行左衛翊府中郎將上柱國定陽郡開國公楊元基押
飛騎營中郎將李鐸子總管雲麾將軍行玉鈐衛翊府
中郎將康國公阿史那毗伽子總管冠軍大將軍行左
玉鈐衛翊府中郎將宋撥延子總管冠軍大將軍行左
金吾衛翊府郎將回鶻果別勒行人雲麾將軍康戡誕
子總管定遠將軍左威衛長李當義壯武將軍何義本
子總管忠武將軍何利深子總管壯武將軍俱羅罹淮
宣威將軍行左玉鈐衛翊府郎將蘇達侯斤度施子總

管定王府典軍成善威子總管押飛騎定遠將軍平原
府左果毅長上穆仙童子總管劉尚珪子總管渭川府
左果毅鹿思讓押飛騎左玉鈐衛隊正長上賈楚珪左
鷹揚衛長上花匡鼎押飛騎李言忠押飛騎沮忠揚鎮
副張元攷押飛騎康景休押飛騎左監門衛司戈寶九
臯別奏右武威衛長上楊仁爽左武威衛長上楊裔原
州崇岡鎮副康戍子右監門衛長上傅阿毛左監門衛
長史殷承範右衛長上王仁獎右衛執戟嚴宏琰右金
吾衛羅元讓潭州花石戍主蘇元暉前右武威衛長鄭

嘉祥左衛司戈鄭彥奏媯州威寧戍主崔思暎押步兵
子總管左玉鈐衛長上張中儼別奏首領蘇農婆羅三
品子首領宋義本別奏游擊將軍左玉鈐衛宿衛哥咄
施注比別奏鄭思疾左衛潞州府果毅員外置同正阿
史皎子總管王城府檢校果毅任宏誓別奏檢校虞侯
任處寂別奏裴光嗣等徇其東北又遣子總管游擊將
軍玉鈐左司階伏羌縣開國男李宏顏子總管邢州司
戶參軍飛鳥縣開國男常元楷子總管原州廣牧領將
軍元寂子總管右武衛員外置同正武元禮子總管前

潞州參軍武其別勅行人張景扶州刺史舊鎮副崔敬
一右武衛中郎將阿史德奉職右鷹威衛將軍業溫噉
刺侯斤右豹韜衛柔遠府長史上果毅吐火羅決斯右
金吾衛果毅執失守直右鷹揚郎將員外置同正阿所
那左玉鈐衛長上借緋金元濟東天竺國王子僧伽杖
摩右鷹揚衛郎將僕固郡骨支左金吾衛郎將阿康地
具右武威衛郎將東河察使左豹韜衛高城府長上果
毅阿史德伏摩支右玉鈐衛郎將路驢駒左金吾衛長
上阿史德伏摩支右玉鈐衛郎將路欲谷游擊將軍葛

羅枝延游擊將軍契苾木昆折衝都尉車鼻施俟斤虔
州猶口鎮副白善德晉州仁壽府果毅侯義威子總管
左武威衛侯神城府果毅杜元隱押後隊長上張德峻
天官常選王曷常彥緯押千騎三交戍董元景河州安
喬戍主王才龕別奏康元寂押千騎隊傷待封前冀州
堂陽縣丞溫待禮別勅行人白君晉等略其西南或折
衝其前或乘躡其後整貔貅之佐奮猛毅之倫長戟林
迴高旗雲撓賊黨晷窮漏急命窄途殫執無全之心投
必死之計以今月一日何阿小等帥不悅之旅擁脅從

之衆結聚數萬抗拒官軍自寅及午前後九陣元基等
並鋒鏑爭先戈鋌逶躍抗足而趾鮮卑之血塗地攘臂
而扔烏丸之首積野摧同冰陷裂若山焚窮其子遺無
復噍類軻獲逆賊冀州三品大總管何西小逆賊河北
道招慰大使冀州刺史馬行慰逆賊冀州道副大總管
楊奉節逆賊冀州長史王宏允逆賊總管劉伏念逆賊
十二衛大將軍兒任鹿城縣令李懷璧逆賊信都縣令
楊志寂總管胡六郎逆賊總管王知先逆賊帥馬明誓
逆賊三品總管姬日等魁首巨蠹三百餘人所有戎馬

憑陵殘毀之處臣皆宣布制旨撫集其人咸懷聖恩俱
得復業羣凶既定冀方砥平二載逋誅一朝泯滅數州
愁毒俄然清弭舞溢河冀歌蓬塞垣截風浪以息滄溟
廓氛埃而覩白日卻穀何力敢推羣帥之勞叔向有言
實在明君之德臣憑藉睿略忝當戎政神機密運不待
橫草之功天贊冥符恭承破竹之勢伏惟廟勝速奉朝
歡抃舞之情倍萬恒品不勝慶快之至謹遣僕人天官
常選李佑別奏左衛長上校尉張德俊奉露布以聞其
軍資器械別簿條上謹言

臣錢開仕恭校

張燕公集卷十四

唐

張

說

撰

碑銘

后土神祠碑銘

序為元宗御製載文粹

至哉坤元。萬物資生。王者以事德合天。明義有大報。用
協永貞。茫茫九土。思索其精。因天事天。因地事地。彼汾
之曲。高雎傑異。景象遺光。壇場舊位。寂寥千祀。精靈永
悶。誣神不祥。復古維禘。文所無者。秩而祭之。矧曰后土。
昔載明禋。何必因陰。乃為我師。意多漢武。跡在橫汾。風

流可接簫鼓如聞壽宮創制神鼎勅勳古往今來豈無斯文

西嶽太華山碑銘

序為元宗御製載文粹

嶢嶢太華柱天直上青崖白谷仰見靈掌雄峯峻削菡萏森爽是曰靈爽衆山之長白帝西下黃河北來陰陽孕育精氣徘徊偶聖呈瑞逢昏降災玉池神挹石室仙開海絕瀛洲天遙元圃偉哉此鎮錚鏘西土鬼神乍遊風雲忽聚高標赫日半壁飛雨自古王者巡方必至龍駕帝服封天禪地南面會神西后在位待予治國安人

文粹作靈嶽

文粹作中土

然後徐思其事

李肇唐國史補云元宗令張翥公撰華嶽碑首四句或云一行禪師所作或云碑之文翥公撰亂取之曰嶢太華柱天直上青崖白谷仰見靈掌

唐陳州龍興寺碑

觀夫廣大無相者空虛也四輪倚之而住精微無體者佛性也萬法因之以生聖人有以見三界成壞皆有為穀故剖之以戒勸聖人有以見六趣輪迴是無明縛故泐之以定力爍寶光之慧炬而沛善利之慈舟返迷路率於中道猗橫流登於彼岸以言乎真實之要總攝一乘以言乎天地之間曲成萬物大矣哉道心包舉等太虛而無際法教流通彌曠劫而常在則存乘如來方便

出應化門用大士因緣處帝王位俾庶類咸若謂之光
宅天下命衆生修善名爲莊嚴佛國龍興寺者皇帝卽
位之歲溥天之所置也唐祚中微周德更盛歷載十六
姦臣擅命伯明氏有盜國之心一闡提有害聖之迹皇
上操北斗起東朝排闥鬪運扶搖張目而叱之殷乎若
震雷發地歛號翕響以克彼二凶赫然若太陽昇天晞
照仰象以復我萬邦返元后傳國之璽受光武登壇之
玉尊祖繼宗郊天祀地之禮旣洎修舊布新改物班瑞
之典又備乃考出世之法鼓大雄之事入無功用之品

住不思議之方一光所燭庶兆爲之清涼一音所宣大
千爲之震動雲蒸風靡不崇朝而壤之踴塔徧天下矣
陳州者上古太皞之墟近代睢陽之地置守則列爲郡
封王則建爲國本其風俗豪侈靡麗舊矣翻東門之下
接袂成帷觴苑邱之上炫服成市信豫章之郊一都會
也刺史南陽韓府君名琦其爲郡也勝殘去殺聖主之
得賢臣別駕彭城郡王名隆業其從政也能肅而恭高
陽之有才子長史南陽張齊賢儒林之選也司馬河南
雲盈公族之良也士曹從事八人錄事參軍千璆爲稱

首六屬官人二十五人宛邱縣令崔修已爲稱許或以
藝榮或以門進高車一轍美利同人禮舉刑清於是乎
在因邦甸積稔之蓄偶日月正旦之初欽若王言建立
靈寺上略其趾下務其終百工不勸而亟庶役不徵而
會經始如雲成之不日夫其帶四郭五衢之陌踞重墉
闔闐之端福地祗平長垣雲蠹高門有闕大厦斯飛連
廊曲閣交軒對霽木磨而不雕土塗而不飾壯無僭侈
以約費爲工儉無偏陋以淨居爲寶法玉宮殿近寶花
之域菩薩伽藍住金燈之地亦猶是也上座處元寺主

真度維那守慎等戒珠如月獨潔麒麟之行法寶如山
普聞師子之吼克諧衆底定神居甘露飽而滿盈天
香醉而圍繞于時陳項之老褒衣而博帶皤皤然相造
而誨曰久矣吾黨之惑也倥侗顛蒙情實橫放悉愛我
業聰明不開日有忘其生生月無覺其滅滅一息之漏
可勝言哉而今舉足至于道場申臂及于淨土晝則目
禪誦之事夜則耳鐘梵之音何悟是生晚臻斯樂豈不
思天子之至仁乎惻下人之昏墊適上聖之昭軌假有
相之途詣無生之理灑冥澤於已滅蒂元根於未始百

靈之所歸依萬宇之所欣慕非獨陳而已矣蓋神闢天
聖開地世之祖也纂帝寶基皇統孝之主也殄譎狂破
魔孽威無外也廣正典紹度門德無大也通幽洞明兼
羸該精滂洋而行混濩厥成一收功而四善舉一推心
而羣願立咨如是則龍興之化曷有量哉夫業可大而
蕪沒焉不貽於後事可尊而苞蘊焉不述於世臣子之
罪也敢請圖之然言語之不到者心識心識之不到者
真如二乘聞之而不見十地見之而未了而我云何能
知能說竊比六時之鳥七寶之樹是出乎和雅音聲是

讚乎微妙功德記其在處長者之金闕銘其事因育王
之石柱其詞曰

聖皇在上於昭于天唐雖舊邦其命維新龍興返政滅
二暴臣少康非儼于舜爲鄰皇王烝哉

於廓元教生人戶闢神化洒心小大稽首掌擎萬域潛
移仁壽三代之前蓋未曾有最上乘哉

泱泱陳服韓侯道之奕奕寶坊邦人造之天龍護持賢
聖熙熙受福維祺帝心則怡正理興哉

唐玉泉寺大通禪師碑

文粹題作荊州玉泉寺大通禪師碑銘并序

誤夫總四大者成乎身矣立萬法者主乎心矣身是虛
哉卽身見空始同妙用心非實也觀心若幻乃等真如
名數入焉妙本乖言說出焉真宗隱故如來有意傳要
道力持至德萬劫而遙付法印一念而頓授佛身誰其
宏之實大通禪師其人也禪師尊稱大通諱神秀本姓
李陳留尉氏人也心洞九漏懸解先覺身長八尺秀眉
大耳應王伯之象合聖賢之度少爲諸生游問江表老
莊元旨書易大義三乘經論四分律義說通訓誥音參
吳晉爛乎如龔孔翠玲然如振金玉旣而獨鑿潛發多

文粹作律儀

文粹作法者

文粹作同轍
作鐘指
畫指文粹

聞旁施逮知天命之年自拔人間之世企聞蘄州有忍
禪師禪門之法嗣也自菩提達摩天竺東來以法傳惠
可惠可傳僧璨僧璨傳道信道信傳宏忍繼明重跡相
承五光乃不遠遐邇翻飛謁詣虛受與沃心懸會高悟
與真乘同徹盡捐忘識湛見本心住寂滅境行無是處
有師而成卽燃燈佛所無依而說是空王法門服勤六
年不捨晝夜太師歎曰東山之法盡在秀矣命之洗足
引之並坐於是涕辭而去退藏於密儀鳳中始隸玉泉
名在僧錄寺東七里地坦山雄目之曰此正楞伽孤峯

度門蘭若。蔭松藉草。吾將老焉。雲從龍。風從虎。大道出。賢人覩。岐陽之地。就去成都。華陰之山。學來如市。未云多也。後進得以拂三。有超四禪。昇堂七十。味道三千。不是過也。爾其開法大略。則專念以息想。極力以攝心。其入也。品均凡聖。其到也行無前後。趣定之前。萬緣盡閉。發慧之後。一切皆如。特奉楞伽。透爲心要。過此以往。未之或知。久視年中。禪師春秋高矣。詔請而來。趺坐觀。君肩輿上殿。屈萬乘而稽首。洒九重而宴屏。傳聖道者。不北面。有盛德者。無臣禮。遂推爲兩京法主。三帝國師。仰

文粹作延慶

佛日之再中。慶優曇之一現。混處都邑。婉其秘旨。每帝王分座。后妃臨席。鸚鵡驚四。匪鵲象三。繞時熾炭。待礦故對默而心降。時診飢投味。故告約而義領。一雨溥霑於衆緣。萬籟各吹於本分。非夫安住無畏。應變無方者。孰能至爾乎。聖敬日崇。朝恩代積。當陽初會之所。置寺曰度門。尉氏先人之宅。置寺曰報恩。軾問名卿。表德非擬。局厭誼輦。長懷虛壑。累乞還山。旣聽中駭。久矣衰憊。無他患苦。魄散神全。形遺力謝。神龍二年二月二十八日夜中。顧命趺坐。泊如化滅。禪師武德八年乙酉。受具於

文粹作名鄉

文粹作誼輦

文粹作汨

文粹作既望
送喪文粹作喪奠
襯文粹作襯
候哀文粹作哀候

天宮至是年丙午復終於此寺蓋僧臘八十矣生於隋
末百有餘歲未嘗自言故人莫審其數也三界火心四
部冰背棖崩梁壞雷動雨泣凡諸寶身生是金口故其
喪也如執親焉詔使弔哀侯王歸贈三月二日冊諡大
通展飾終之義禮也時厥五日假安闕塞綬及葬之期
懷也宸駕臨訣至午橋王公悲送至伊水羽儀陳設至
山龕仲秋暨望還詔乃下帝諾先許冥遂宿心太常卿
鼓吹導引城門郎護監送喪是日天子出龍門泣金襴
登高停蹕目盡迴輿自伊及江扶道候哀幡花百輦香

啓文粹作起

文粹作後呈

文粹作榜

文粹作二十七人
文粹作華

與親貴文粹作親舉寵貴

雲千里維十月哉生魄明即舊居後岡安神啓啓國錢
嚴飾賜逾百萬巨鐘是先帝所鑄羣經是後王所錫金
榜御題華旛內造塔寺尊重遠稱標絕初禪師形解東
洛相見南荆白霧積晦于禪山素蓮寄生于坐樹則雙
林變色泗水逆流至人違代同符異感百日卒哭也在
龍花寺設大會八千人度二十七人二祥練縞也成就
西明道場數如前會萬廻菩薩乞施後宮寶衣盈箱珍
價敵國與寵貴侑供巡香其廣福博因存沒如此日月
逾邁榮落相推於戲法子永戀宗極痛慈舟之遽失恨

湧塔之遲開石城之歎也不孤廬山之碑焉可作竊比
子貢之論夫子也生於天地不知天地之高厚飲於江
海不知江海之廣深強名無迹以慰其心銘曰
額珠內隱匪指莫効心鏡外塵匪磨莫照海藏安靜風
識牽樂不入度門孰探法要倬哉禪伯獨立天下功收
密詣解却名假詣無所得解亦都捨月影空如現於悟
者無量善衆爲父爲師露清熟惱光射昏疑冀將住世
萬壽無期奈何過隙一朝去之嗟我門人憂心斷續進
憶瞻仰退思付囑盡不離定空非滅覺念茲在茲敢告

無學

元識閣梨廬墓碑

夫孝者法象乎天地感通乎鬼神故愛敬之中又有真
報哀戚之外更追冥福元識禪師其人也厥姓桑氏其
先長樂人漢尙書洪之後曾祖梁州刺史諱千秋祖貴
鄉令諱信考文林郎名爽自前代無違德基於累仁是
生達者禪師智周萬物而理證本無願度四生而見滅
諸有以爲空不離色體念子之慈業不忘緣起思親之
孝乃於萬山北陌滎陽東原葬先考文林府君先妣太

原王氏負土成墳結廬其域置義井取施無求報鑄洪鐘取聞而悟道修古寺造尊容取觀相生信若夫信生攝攝生靜靜生定定生慧於生滅處得常住心於虛空中立一切法其定慧之門乎禪師昔宴坐介山羣虎自擾今經行宰樹四衆依德至人疑寂雖罕見全象識者餘論亦時存一隅象美豐石寄詞短偈云爾

邈矣上德行密道高哀哀父母生我劬勞禪心護念神足遊遨苦河雖廣曾不容舫甘井既深利物無竭不增不減不流不滯仁靜而鑒智動而悅華鐘旣鏗雄雄法

聲如來如去如滅如生不有奚得不爲胡成寶地嚴飾金山晃耀善惡無門惟人所召境因心起理憑思照愨哉一心混成衆妙

贈陳州刺史義陽王神道碑

昔高祖之起唐侯革隋命太宗之威四海正萬邦作藩帝家用建王國二十一族堯之昭也十有一宗文之穆也王諱宗字某文帝之孫紀王之子龍種異氣鳳毛秀色仁義天啓德威日就學無不探藝無不究故齊王之肩以爵推恩周公之子以才分政總角封義陽郡王弱

冠拜歸州刺史又守檀州又撫沂州若敖之舊荆人是
懲單于之衝胡馬自遠淮沂其父邦國不空遭王運中
微投於南海書稱大去憫失土之諸侯禮不逃誅義無
辜之王子某年月日邁六道酷吏薨於桂林之野春秋
五十神龍之初興廢繼絕追贈陳州刺史王生不得志
沒受遺榮信乎才之短長不如命之豐約德之輕重不
如藝之厚薄有美季子豫州刺史行休髻髮羈孤託身
炎厲貌是餘慶巋然獨存泣血上請迎喪遠裔開元四
年二月至桂林王同氣三人往偕遇禍殞歿無主封樹

缺如歲月茫茫盡爲野草問隣母而失處訪樵童而莫
識議者以爲不可復得宜招魂而葬行休拊心蒼昊誓
不徒還乃掃亭館設地席潔齋懇惻覬于幽報遂憑夜
髣像曲示其端夢魯王乘舟舟分爲兩旣而適野見東
洲中斷因忽悟焉陰隱微明率此類也又靈堂鑱莖一
夕自屨管上有三指凹迹一奇二並其傍鐵生文理布
列成卦衆駭其異使善易者張法著之曰屈者於文爲
尸出指者於義爲指蹤一奇二並三殯近濶若引渦山
揆之可以察先王之心矣考夢協吉定處尅辰以其月

二十八日於桂城東洲發見神柩舉體咸備而一節闕焉行休甚痛惋若自毀裂其夜又夢王告在南洛州厥明直舊殯而南十有九步沙洲痕下掘而得之安合如故他日北郭之外又併收二叔父焉於是乎驗著夢之有徵也子子三旒連舳歸飛遙遙百越經途瞻歎零桂人士以爲美談夫至孝潛通精魄昭應果虛無之具推步而有必窈冥之體尋求而致雖前誌所詳未有幽感反覆若斯之昭晰矣以某年月日陪葬於昭陵栢城妃汝南周氏祔焉禮也如考曰駙馬都尉梁郡襄公妣曰

臨川大長公主宗周元胄大君自出左右圖史循環法度邦有好述室無偕老以王之故薨於掖宮初永昌之難王下河南獄如錄司農寺唯有芳氏及屏履布衣往來供饋徒行頽色傷動人倫甲外咨嗟目爲勤孝王之二子配在鶴州及六道使之用刑也長日行遠以冠就戮次日行芳以童當捨芳啼號抱行遠乞代兄命旣不見聽固求同盡西南傷之稱爲死悌君子謂勤孝者仁之厚也死悌者友之難也感神者誠之至也此三者有以見義陽之義方賢妃之內訓繼體之崇德夫如是淳

美上歸夫本朝盛烈延耀乎邦族安可闕而不飾碑版
無文而已哉銘曰

高邱白雲維堯大理函谷紫氣維周柱史百代福流千
齡運起富有海內貴爲天子聖帝才子於穆紀王賢王
祚胤倬哉義陽慎徽九德九德有常允釐三郡三郡以
康明夷於飛丹崖之下梁木其壞桂林之野不識阡陌
無存松檟于以求之人無知者哀哀孝子眷眷靈夢語
妙常閤文微甄仲南洛占從東洲億中舊窆移褊新棺
改賜旣克返葬以祚山陵卜云其吉神心允憑人非地

是迹謝名稱青青松栢不顯不承

贈太尉益州大都督王公神道碑奉勅撰

維天命帝子萬邦維申配乾母萬物以親九族后父之
屬尊以叙百官開府之班最執謙德而光重地者則祁
國公其人也公諱仁皎字鳴鶴太原祁人王子賓天啟
靈仙之族司徒衛漢大忠義之門盛德之後仁賢繼出
曾祖景孝隋屯田侍郎祖詮歙縣男贈汾州刺史考文
洎贈右僕射纘戎前烈啓迪後人公之生也膺汾霍之
禎體敦龐之度禮樂狃於代襲忠孝萌於自然克寬克

恭不激不傲。鑒窮未兆而養之。以蒙智周無際。而處之
以默。故質勝於文。行過於譽。其隱德也。三年不鳴。其會
時也。一日千里。初以翊衛。調同州參軍。換晉州司馬。應
將帥。舉授甘泉府果毅。遷左衛中郎將。上昇春宮后正
妃。壺擢將作大匠。事時工練。八材孔修。轉大僕正卿。駟
訓車攻。六飛如舞。先天內禪。引伸外戚。懷柔畏滿。厭劇
思閒。公既深辭以職事。上亦優之以散秩。乃加特進。禮
異羣公。乃拜開府儀同三司。策上柱國。封祁國公。邑戶
三千。實賦三百。公於是萬情宴喜。簡跡朝行。入告嘉猷。

密而人莫窺也。陰薦多士。晦而人莫知也。不自異於當
路。每同塵於衆流。常語所親曰。明明天子。擇賢其理。璫
璫姻婭。則無膺仕。不識不知。樂我而已。善矣。夫人臣位
極。遇莫大焉。王曰。外舅厚莫重焉。而能明道若昧。進道
若退。事不事而縣解。爲不爲而理會。一以無目牛之全。
一以無亢龍之悔。所謂言合古。行中權。歟。後之人慎終
始。而保福祿者。固將沿通波而蹈高軌也。享年六十有
九。開元七年四月戊寅。薨於京師。皇上悼焉。設次大臨。
輟朝累日。榮之以華袞。籠之以飾纒。追贈太尉。益州大

都督賜東園秘器含穉贈錫率加常禮乃命尚書彭城侯劉知柔攝大鴻臚俾之監護京兆少尹崔琬介馬申命詹事南安侯龐承宗持節弔祭左庶子自知慎倅焉公卿命士更弔迭唁溢巷填街爲之縞素粵以十月初吉葬我昭宣公羣官執紼相奠國門如前會夫天作聖合必起大邦故軒妃美於西陵周婦表於東海公藩衍之慶祚膺二十或哲或謀或肅或父永錫之類也如是元女祥發望雲業參練石內被螽斯之德外偃關雎之化門風之至也如彼長子惟力戴君畢心禦侮奉雲雷

之會懸日月之功庭訓之致也如此高陽有才子八族我盈其二武王有理臣十人家出其兩稽諸舊史罕或前聞若乃積三盛事而重之以純德篆於金石垂於億萬宜哉其文字光華撰錄旨要則皇帝所爲也詞臣奉詔作之其銘曰

於穆祁公誕靈信厚有倬其慶天之外舅高以卑牧盈將冲守忠焉孝乎沒而不朽人之忠孝其德不回天俾純嘏大福時來貴踰九列榮並三台祚之元社帝曰欽哉祁公之德柔嘉維則令儀令色小心翼翼如何昊天

喪此邦式。休問其永。豐石是刻。我思肥泉。孝心罔極。

臣錢開仕恭校

張燕公集卷十五

唐

張

說

撰

碑銘

贈太尉裴公神道碑

星辰懸象所以殷時布氣然而行不言之道者天也文
武用才所以勤官定國然而致無爲之理者帝也當高
宗之休運任名世之良臣清九流而闢四海代天工而
張帝德歷選前哲豈多乎哉公諱行儉字守約河東聞
喜人也其先出乎嬴姓伯翳之後也秦則裴侯始封漢

則侍中受職。魏晉之代，鬱爲盛門。八裴方於八王，聲振海內。三子尊爲三祖，望高士族。自冀州刺史徽至公，十二代中軍將軍，雙虎至公。六葉代無違德，不隕厥門者。已大王父伯鳳，周驃騎大將軍，光汾二州刺史，琅琊郡開國公。大父定，高大將軍，馮翊郡守，襲琅琊郡公。諸侯受封，山河傳國。天子共理，循良克家。考仁基隋，左光祿大夫，以陰圖王。充仗義舊主，遭時不利，玉折名揚。聖唐龍興，旌淑勵節，贈原州都督，命諡曰忠。蓋春秋之褒也。公清明本乎世德，正性出乎胎教。氣潤河靈，貌雄岳立。

仁孝之道，天生而彰。將帥之氣，與年俱長。以高蔭爲宏文生，絕事篤學，累年不舉。房僕射異而問焉，對曰：「隋室喪亂，家乏典籍，館有良書，探討未遍，故少留耳。」梁公驚曰：「驥子志氣凌雲，當一口千里，其早爲通人之目也。」如是，明經補左屯衛倉曹，詔舉轉雍州司士，遷金部、戶部二員外郎，都官郎中，長安令，顯慶中與長孫太尉、褚河南論及中宮廢立，國家憂患有公。伯寮譖行於季氏，出爲西州長史，又改金山副都護，又拜安西大都護，西域從政七八年，間窮荒舉落，重譯向化，我之獨賢，邊之多。

幸乾封歲徵爲同文少卿尋除司列少常伯官復舊號
爲吏部侍郎加銀青光祿大夫自居銓管大設綱綜辨
職差才審官序爵法著新格言成故事上元中長星出
天禿髮入塞詔公爲洮州道左軍總管又爲秦州鎮撫
右軍總管並受元帥周王節度雖祭公有謙耀武之士
不行而方叔帥師來威之道備矣儀鳳二年十姓可汗
匄延都支李遮匄潛構大戎俶擾西域朝廷憑怒將行
天討公進議曰敬元敗績于茅戎審禮免胄而入狄豈
可絕域更勦王師今波斯王亡侍子在此若命使冊立

卽路由二蕃便宜取之是成禽也高宗善其計詔公以
名冊送波斯兼安撫大使公往蒞遺愛洽於人心是行
也百城故老望塵而雅拜四鎮酋渠連營而諮酒一言
召募萬騎雲集公乃解嚴以反讞託獵以訓旅誤之多
方聞其無備裹糧十日執都支於帳前破竹一呼鉗遮
匄於麾下華戎相慶立碑碎葉蓋美克雋不殺而用謀
安人以德而去害廓氛禳於地表輝皇靈於天外充國
存屯田之頌寶憲存燕山之銘詢茲遠略彼何微也遷
禮部尙書加上柱國又特降恩命兼右衛大將軍夷典

秩宗神必據我文昌有將天道存焉調露中單于可汗
伏念外叛大鴻臚蕭嗣業喪律詔公爲定襄道大總管
軍至朔州斥候相接匈奴故態狙劫糧以餒師神將出
奇張虛勢以陷敵乃僞爲轉運伏其壯士示羸師以緩
行隱精騎以躡迹寇果大下援兵奔散驕虜益驚自爲
得色駟此車牛憇彼井泉於是箝中兵起千弩齊發要
路騎飛一息而至羣敵顛沛殺傷滿野從茲饋運路無
驚者觀夫大漠無晷穹廡靡所迫之逃逝捨之憑陵費
日老師兵家所病公潛使緩頰均其利心深圖旣入狼

意亦改及委罪衙官陰送降狀公密上其事人莫知之
及如其期舉國歸附煙塵大起師徒惶惑公徐使令軍
曰此是伏念執溫傳來降非他寇也俄而衝壁轅門釋
縛納款帝嘉厥勲命尚書崔知悌乘驛勞軍備禮獻勤
策勲之曰程務挺張虔勗者行軍之偏將也訴言子營
逼逐方降大軍又屬秉鈞忌才下上其手公曰雖不逮
羣師之讓功猶恥二王之競力今而殺降後無來者乃
封公聞喜縣開國公而伏念溫傳皆戮都市是年也伏
念弟九珍擁其餘種復叛則天稱制追正宿枉贈伏念

太僕卿程漲諸家別故夷族君子以爲神理之不可誣也永淳九年詔公爲金牙道大總管未行遘疾四月二十八日薨於京師延壽里春秋六十有四長子貞隱早卒嫡孫叅元嗣封親視諸孤哀哀童幼高宗悼焉贈幽州都督賜凶儀還鄉喪葬官供禮部郎中監護窆窆之數率禮有加別勅留守委皇太子擇六品京官一人檢校家事五六年間待兒孫稍長成日停寵極哀榮禮之厚者澤及存歿義莫重焉太常議諡博古多能文武表式曰憲其年十月葬我憲公於閭喜之東良原禮也神

龍中興朝思舊德贈公揚州大都督開元孝享宰嗣延恩贈公太尉生不登乎台階歿追位乎霸宇序四時于地下調三光于天上聖人神教意在茲乎公志堅慮精神勇識澈藝必討本學皆覩奧又善測候雲物推步氣象鬼無遜謀靈不藏用著文集二十卷造草字數千文皆寶傳人間以爲世法又撰選譜十卷又爲軍營行陣部衆料敵等四十六訣大聖天后令秘書監武承嗣就家收進以爲秘術豈比馬卿淨華唯留封禪之草劉安虛誕空傳鴻寶之書而已哉加以汲引沉淪推獎氣類

虛懷而襟帶不設宏亮而城廓洞開故虎旅雲從詞林
響應若毛羽之宗麟鳳衆川之長江河也在選曹見駱
賓王盧照隣王勃楊炯評曰炯雖有才名不過令長其
餘華而不實鮮克全終見蘇味道王劇歎曰十數年外
當居衡石後各果如其言在軍麾擇帳下之士則有張
知運薛訥閻敬容甘元棟裴恩諒王智方呂休景劉元
意引偏裨之將則有程務挺張虔勗王方翼崔智譽党
金毗郭侍封劉敬同李多祚黑齒常之凡所進拔盡爲
名將此則存道之人倫武侯之賞鑑也公之送波斯也

入莫賀延磧中遇風沙大起天地暝晦引導皆迷因命
息徒至誠虔禱徇於衆曰井泉不遠須臾風至氛開有
香泉豐草宛在營側後來之人莫知其處此乃吹恭之
拜井商人之化城也公在禮闈勅賜善馬及寶牽令史
奔馳馬倒鞍破懼而逃罪公使召之曰知汝誤耳又平
都支遮旬大獲珍異酋長將吏請遍觀焉有馬腦大盤
希代寶也隨軍王休烈捧盤跌倒應時而碎叩頭流血
惶怖請死公笑曰事有不意何至重玉而害人乎此又
文饒之含容邴吉之仁慈也公西擒都支北降伏念前

庫

後錫馬五百匹。僮二百人。金銀器物三千品。錦罽織皮六百段。公受置庭中。旬日散盡。此又越盾之待士。田文之市義也。若夫知人以為本。感通以為行。善貸以為常。散積以為樂。古之有道者。嘗從事於斯矣。公元夫人河南陸氏。兵部侍郎爽之女也。陸氏卒。繼室以華陽夫人。庫狄氏有任嬖之德。班左之才。聖后臨朝。召入宮闈。拜為御正。中宗踐阼。歸養私門。歲時致禮。媼后補天進。參十亂。少康嗣夏。退協三從。晉朝公。拜虞譚之母。尉官音注。近出韋逞之家。皇上臨極。旁求陰政。再降綸音。

將留內輔。夫人深戒榮滿。遠悟真筮。固辭羸敗。超謝塵俗。每讀信行禪師集錄。永期遵奉。開元五年四月二日。歸真京邑。其年八月。遷窆於終南山。鴟鳴堆。信行禪師靈塔之後。古不合葬。魂無不之。成遺志也。長子參元。官至涇鄧二州刺史。聿脩厥德。人亡道存。次子延休。汾州汶水令。世載文雄。家傳草聖。次子慶遠。協律郎。深達禮樂。克和神人。咸負長才。同淪短運。季子光庭。侍中兼吏部尚書。輔政邕熙。致君堯舜。孝理發乎陵廟。仁澤遍乎松檟。是故妻以夫榮。母以子貴。以尚書先贈方伯。申命

文

上公夫人舊封華陽增號晉國詩云文武吉甫萬邦爲
憲上公有焉又曰彼美孟姜德音不忘小君有焉孝經
云立身行道以顯父母侍中有焉合三德而爲家橫百
世而濟美信可以言時稱代鏤石刊金者歟神道前銘
薛令所撰且有後命俾余係述馬遷世家益孟堅之一
傳鄧寬表墓並作碑之兩碑報德教忠俱傳不朽銘曰
天生亞聖祚此王國文綜九流武參七德柔遠服叛窮
西盡北赫我皇靈去其蝨賊仁則不遠智何不周如山
之峻如川之流術與神合藝將道遊書來懸帳賦出登

樓司馬軍陣官人綱紀帝嘉常伯國於聞喜室有令妻
家成克子社金傳世桓珪守祀神爲上台永介邦祉

故開府儀同三司上柱國贈揚州刺史大都督梁

國公姚文貞公神道碑奉敕撰

敘曰八柱承天高明之位定四時成歲亭育之功存畫
爲九州禹也堯享鴻名播時百穀棄也舜稱至德由此
言之知人則哲非賢罔父致君堯舜何代無人有唐元
宰曰姚文貞公者位爲帝之四輔才爲國之六翮言爲
代之軌物行爲人之師表蓋維岳降神應時而出者也

文粹題作元宗御書故中書
令梁國公姚文貞公神道碑銘

文粹作梁文貞公

公諱崇字元之姚姓有虞之後遠自吳興近徙於陝今家洛陽焉烈考長沙文獻公樹勲王室建旗雋府公純綺而孤克廣前業激昂成學榮問日流武庫則子哉森然文房則禮樂盡在弱冠補孝敬挽郎又制舉高第歷佐濮鄭並有聲華入爲司刑承天授之際獄吏峻密公持法無頗全活者衆進夏官員外郎郎中侍郎朝廷曰能遂掌軍國遷鳳閣侍郎監修國史兼相王府長史始則天人讓王承置醴之顧終以飛龍利見延驂乘之恩自時厥後恒當大任凡三處兵部尚書三入中書令一

承文粹作丞

文粹聽作丞

文粹農作僕牧下等使

爲禮部尚書左庶子又肅政大夫總靈武軍兵馬又司農卿知隴右監牧使出典亳宋常越許申徐潞揚同十郡景雲初以蕃邸舊寮封梁國公食賦百室公性仁恕行簡易虛懷汎愛而涇渭不雜真率徑盡而應變無窮常推是心以御於物故所蒞必毗庶風偃鰲很化從言不厲而教成政不威而事理去思勸頌來暮聞歌旣登邦政卒乘幃睦及在宗伯神人允諧今之中書是爲理本謀事兼於百揆論道總於三台公執國之鈞金玉王度大渾順序休徵來臻懋德格天名遂身遜拜開府儀

同三司崇其秩逸其志也初太夫人在堂公受任西掖
 頗限高禁求侍晨昏優詔既許尋令還職公固請以泣
 制曰家有令弟足慰母心國有棟臣安可暫缺其後剖
 符江表敦諭起復哀麻外墨纒棘內毀變禮中權通識
 所貴神龍之首與聞興復疇其并賦累讓而停夫以革
 故鼎新大來小徯得喪而不形於色進退而不失其正
 者鮮矣君子曰忠不忘親仁也哀不違事義也讓功辭
 邑禮也濟代全名智也仁以長人義以和下禮以安上
 智以周身宜其光輔四帝軒冕三紕池臺琴筑優游暮

文粹都下字之字

齒傳爵土於祚胤保祿位於終始矣享年七十有一開
 元九年九月寢疾薨於東都之慈惠里皇上悼為國人
 慕焉撫牀輟春曾未云比制贈揚州大都督諡曰文貞
 禮也十年二月葬於萬安山之南原在疾也王人賜膳
 御藥視醫於薨也中使弔臨羽儀哀送君臣之義厚莫
 重焉子昇奔思綴遺美以寘罔極有詔掌文之官叙事
 盛德之老銘功將以寵宗臣揚英烈帝乃泗恩仙翰鏤
 澤豐碣日月照臨於佳城烟雲變態於神道寶其文字
 別為羣玉之山禁其樵蘇即表三司之墓銘曰

文粹乘上有子字

文粹作臨照

源深自虞派別從吳避地魯陝居家洛都神明遠契岳
瀆冥符翌聖斯偶生賢不孤仁將勇濟孝與忠俱學乃
攢植文鋒迅驅纒安卑位卽騁長途唯實唯有若虛若
無再三軍國一二訐謨戎柄尤重王綸最樞兼司任切
久政榮殊黼藻彌煥丹青靡渝以寬容物以鑒分區外
或形放中恒禮拘箴雖誠口諍亦忘軀但覩渾璞誰詳
瑾瑜伊咎尺寸管樂錙銖名正身遂言誠願孚方辭漢
祿更辱齊組旣積而散窮懽盡娛川歸東極日去西晡
上惻旒展旁悲路衢藍田美玉荔浦明珠載廣休慶爰

文粹紆作紆

文粹銓作欽

宏典謨豐碑乃立盛業其鋪帝念頻軫仙毫特紆鑄金
刻石鳳篆龍圖七耀光動三泉澤滯銓能叙事理鬱詞
勳求舊銘實愆殫惡蕪緬思雲霧尙想江湖有道之德
其何以踰延陵之墓空此嗚呼存沒終始遐哉邈乎

唐故夏州都督太原王公神道碑

良玉禮神用之西序之器捨之南山之璞罔然不有其
珍也君子安命進之干城之雄退之去國之老隕然不
失其正也語夫仗運以行道屬辭以比德亦何代無其
人哉公諱方翼字仲翔太原祁人王周之後也王子以

敗狄受姓。徵君以遯世爲名。司徒之濟艱難。義形漢至。太尉之圖舉。甲心盡魏朝。聞將濟所言。則知尚書志力。兄弟繼美。覽周書所載。則見潁川忠烈子姪。皆封臣節。奮揚於百代。家聲藉甚於四海。大王父司徒定公。秉隋氏之崇也。王父駙馬開府文公。裕先朝之懿也。考特進慎公。仁表王室之甥也。公門總四岳之靈。帝子分五潢之氣。是生時傑。鬱爲仁紀。公雄姿沉毅。凜難犯之色。虛懷信厚。坦招納之量。識略精。違應變之權。神守密靜。堅不奪之節。孝友內兆。於免懷忠。敬外灼於旣冠。加以

思叅造化。誠合鬼神。文其詩書。武其韜略。推此才也。以從政焉。永無匱矣。夙遭家難。哀過柴瘁。京師號曰孝童。王母同安長公主。引貴遊之誠。示作苦之端。今太夫人徙居郡墅。儲無斗粟。庇無尺椽。公躬率傭保。肆勤給養。墾山出田。燎松鬻墨。一年而良疇千畝。二年而厦屋百間。三年則日舉壽觴。厭珍膳矣。處約能久。不亦仁乎。在困能亨。不亦智乎。永徽初始。宰安定。誅豪暴。以育人。察奸宄。以伸寃。異政三舉。清風一變。除瀚海都護府。司馬以母疾辭職。爲姜恪乘便。遂徙朔州。尙德府果毅。歲餘

王本立上書理公國之悖老不宜擯抑有詔徵還而親不待心與哀絕氣屬禮存詔御醫孟默朝夕診視免喪逾年僅堪履立樂成公東討新羅薦爲將帥詔公持節雞林道摠管軍停不行授沙州刺史未至改拜肅州以爲慢防啓寇非重閉也乃大築雉堞嚴備櫓械人知有恃戎亦來威儀鳳歲河西盡蝗獨不入境隣郡湊稔提挈如雲公傾私泉以資乏引激水以立礎舉火百竈日舖千人遂有芝草藂生豐年屢降人之詠德刊石存焉裴更部立名波斯實取遮旬偉威厲飛書薦請詔公爲

波斯軍副使兼安西都護上柱國以安西都護杜懷寶爲庭州刺史大城碎葉街郭迴互夷夏縱觀莫究端倪三十六蕃承風謁賀自泊汗海東肅如也無何詔公爲庭州刺史以波斯使領金山都護前使杜懷寶更統安西鎮守碎葉朝廷始以鎮不寧蕃故授公代寶又以求不失鎮復命寶代公夫然有以見諸蕃之心搖矣於是車薄啜首唱寇兵羣蕃響應蝟毛而豎公在積西獻捷無虛歲蹙車薄於弓月陷咽麪於熱海勦叛徒三千於麾下走烏鶻十萬於域外皆以少覆衆以誠動天葛水

暴漲祭徹而三軍涉渡。葉河無舟。兵叩而七月水合。由是士卒益勇。戎狄益懼。璽書下問。皇靈遠燦。遷夏州都督。徵詣奉天宮。熱海之役。流矢貫臂。陣血染袖。事等殷輪。帝顧而問之。視瘡歛歔曰。爲國致身。乃吾親也。妖賊白鐵。余據平城。以反奉詔。與程務挺討擒之。善公有發石壞城之計。反風焚柵之感。封太原郡公。元珍寇邊。受命討擊。公以無甲。乃發思造六片木。棊袴開鈕。解合畫爲虎文。北至開光。與虜合戰。若駢猛獸。蒙臯比莫之敵也。胡馬奔駭。獲其二。噉桑乾舍利。兩部來降。初。公善書。

與魏叔琬相勗。公善射。與趙持滿齊名。帝每矚之。賜比鳴輦。賞深懸帳。嘗獨行夜入。有恠人長丈。直來趣逼。射而仆焉。乃朽木也。太宗壯之。授右千牛。及持滿伏法。暴骸公哀而收葬。爲執金吾。奏劾高宗義之。釋而不罪。履道坦坦。多如此類。適將任帝夔龍。爲國方虎。天下膏潤。羣生雲雨。惜哉不辰。情焉邁悔。嗣聖之際。天后臨朝。有凶人誣奏。公廢后從兄。常懷怏怏。司刑御史。佞文矯制。不名等法。遷於崖州。路至衡州。寢疾捐館。春秋六十有三。垂拱三年閏正月二十九日。葬於咸陽原。君子曰。斯

才也。斯望也。難乎免於斯之代也。周公聖而謗。屈平賢而放。賈誼才而謫。李廣勞而喪。彼天命之糾紛。此人情之惆悵。神龍中興。以陷酷吏。例復官爵。孝爲人極。忠爲令德。神之聽之。始枉終直。信矣。有子故光祿少卿璵。今秘書監珣。皆篤行純孝。慎終思遠。說少也。蒙會友升堂。今老矣。豈能文旌墓。遷可漢籍。感激論都尉之書。豈叙虺情。追美樹楊公之碣。銘曰。

上德惟公。氣秀才傑。孝宏世美。忠廣前烈。日月心照。江河思決。難地必通。暗機先徹。卓犖文藝。崢嶸武節。歎由

宰邑。借恂臨郡。海女避途。山虵可問。師律三總。軍聲六振。銳氣入營。長雲出陣。肅將國威。烜赫天外。玉弩方擊。雲旗卷旆。天道茫茫。自古多勳。功存西域。身棄南荒。易簣中路。懸棺反藏。寶乃生衣。玉玦無光。後有才子。先賢不忘。

臣錢開仕恭校

張燕公集卷十六

唐

張

說

撰

碑銘

河西節度副大使鄯州都督安公神道碑

公諱忠敬字某武威人也軒轅帝孫降居弱水安息王子以國為姓世高之遼漢季自河南而適遼東高陽之受魏封由陰山而宅涼上高陽王同生尚書左僕射河間公原晤真河間生建節將軍西平公纘從正西平生龍驤將軍黃門侍郎廣宗侯薛晤微累葉勲華載於魏

史高祖何藏器廣宗之子也周開府儀同三司寧遠將軍肅州刺史張掖郡公會祖羅方大隋開府儀同三司皇朝贈石州刺史貴鄉公祖興貴右武侯大將軍涼州刺史徙封榮涼歸三國公考文生不仕涼公皇運經綸首平李軌大舉河湟之地遠通城郭之國寵錫蕃庶冠絕等夷水出渥洼之文神馬者二千乘山得崆峒之武朱輪者四十人公育榮盛之門鬱豪爽之氣孝友天至清華玉立幼聚兒童必爲軍陣之戲長交英俊唯談韜略之書始以良家子僕射韋公待價引於帳下安息軍

建奇績解褐授游擊將軍臨洮府右果毅復以善部統御史大夫唐公休璟處之前鋒洪源谷立異効遷右威衛翊府右郎將兼新泉軍使進本衛中郎將赤水軍副使兼赤水新泉兩軍監牧使改會州刺史營田使換松州都督防禦使遷左司禦率兼河西節度副大使臨洮軍使轉鄯州都督使如故其在軍州傾心下士視人如子無約而親附不言而條理其在農牧大田多稼如茨如梁思馬斯才有驕有皇輪乃四朝歷官三紀名叅禁衛身任疆場以靜搃繁以逸待寇我無亡鏃之費敵有

不戰之屈茲所謂一方之干城者也享年六十有六開元十四年十一月二十八日寢疾終於位知與不知莫不隕涕十五年某月葬於烏城之南志公鄉祔先塋也公寬以御衆卑以自牧直而無訐廉而無劌朋友不聞臧否之言家人不見喜愠之色加以心淨三業躬勤八戒推是而行何往不濟初甘州有舍利沙多禪師道場之四果也嘗云檀越德充於內神護於外雖冒鋒鏑永無害也及百戰之後啓手歸全西州士人聞之激厲有子仲璋如璋季璋金璋重璋庭襲芝蘭喪過樂棘敬奉

窀穸備禮儀於文武撰述家風刻功名於金石詞曰玉關氣爽金波秋澈涼野蕭條寒山積雪授靈產義精勁才傑孝固純深忠惟剛烈負羽從軍奮飛青雲麾幢按部惠流時雨總軍扶郡入文出武三十年間式遏戎虜疆場務靜非公莫鎮金鼓氣雄非公莫震神山與鉞龍池取駿霹靂陷營衝風入陣勇將知時仁兵善持反耕罷戰王者之師牧馬如雲屯庾如坻西軍方壯東首長辭振古同嗟沒而不死所謂明德永傳神理鍾鼎題門珠玉名子信言豐石令問不已

河州刺史冉府君神道碑

昔者堯舜既沒文武將墜天縱孔聖誕敷皇極于是乎
恢六藝而正王道舉十哲而闡微言雍也爲德行之目
求也爲政事之首吾見乎龍翰鳳雛百代而共貫虎符
犀節重世而增華明德之後知其必大公諱實字茂實
其先魯國鄒人也古天子有相氏宅於相土實曰冉姓
蓋氏族之興舊矣不常厥所今爲河南人焉五代祖睢
陽公諱道周尚齊南康公主位平南將軍散騎常侍荆
州刺史信州都督高祖諱軫仕梁太子左內率荊州刺

史齊梁之間荆巫重鎮世善其職江漢宜之大曾父義
城公諱黎在梁雲麾將軍湖州刺史入周拜驃騎開府
儀同至隋開皇中爲旭州刺史大父黃國莊公諱安昌
隋啓平城祚之穀璧唐分蜀國瑞以桓珪其後改封於
黃授信州刺史歷潭州總管贈夔州都督烈考天水郡
果公諱仁才秩金紫光祿大夫婚皇室漢南縣主經浦
澧袁江陵永凡六州刺史偉矣哉承嘉善慶歷代名臣
流風載於史官勲業藏於王府公卽果公季子天王自
出內稟胎教混成之姿外被門風式瞻之訓從容合度

造次皆法生而知之孝弟也學而知之禮樂也德義如山文章如泉指紳之士仰爲宗焉弱冠文學生進士擢第遭家不造府君捐館五日絕漿三年泣血雖麻葛就禮而樂棘加入服闋調梓州大都督府參軍事丁太夫人憂過哀終喪有如前制應八科舉策問高第授綿州司戶參軍轉揚州大都督倉曹參軍又舉四科敷言簡帝除益州導江縣令鴻漸二鎮翰飛三蜀府中之孫子荆郡內之岑公孝用能據淮距海我庾如岷山導江入境先歎加朝散大夫除鄜州長史仍加關內道支度

使去青城之洞府來白帝之鄜時命服有輝使車何重除婺州司馬入謝于武成殿主上以邊庭有事喜問陳湯宣室清言思逢賈誼公召對蘊藉謀慮深長眷甚前席恩加後命因改恒州長史于時四鎮未復二蕃猶梗屯田遶塞戎馬生郊代郡藏符臨冀北而誠重漢家張掖比西河而還輕乃徙拜涼州都督府長史仍知赤水軍兵馬河西諸軍支度使地壯伏龍城雄飛鳥位居刺史總管三邊公乃利澤洫懋簾葺庠藁積糗糧均轉輸程力役寬御悅使授方任能人胥忘其久勞兵不遠

其長道雖金方氣肅雨雪不交之地磧路沙霾草木不
植之所莫不豐滯穗于坳牧厭甘瓜于戍時朝廷賴之
遷使持節河州諸軍事河州刺史仍知營田使崆峒運
五郡之壤磧石控九河之源公夙奉皇華政聞行露高
車未至闔境相歡既見君子溫其如玉率性仁愛由衷
易簡推是心也物感斯應覩恭肅而無兢見禮義而興
行不言而庶事熙非教而羣下順故得大田多稼人和
歲豐餉軍廩師處勤餘裕計偕入朝侍宴于長壽殿上
謂公曰河州軍政要衝屯田最多卿以足食為心朕無

競

鎮

西顧之憂侑以彩幣錫以文袞及公還州也璽書勞勉
王人相繼國家徑流沙梁弱水收西域護南庭連百萬
之兵以濟事于外不一日而乏者則公之力也無駭入
極可謂費庠父勝之杜預平吳蓋知羊叔子功爾宜登
元老作貳天朝止于邊服實孤人望享年七十有一證
聖元年二月十日寢疾終于官舍天子悼焉凶費喪歸
悉命官給是日河湟耆老山谷羌夷反首務面號奔州
邑雖國亡子產吏哭祭遵豈云過也愷悌之化人之父
母及其歿也哀亦如之信矣太夫人金城郡君隴西李

夫

張君公集 卷六
 氏江夏王道宗之女也宜此象服爛其盈門嗣先姑之
 徽音立庶姬之則範薜華旋落藁瘞城隅以證聖二年
 正月合葬于河南之定鼎原禮也天使馬悲啓滕公之
 室人看鶴舞閉玉女之墳松柏接于邙山邱陵封于伊
 闕石麟將鬪華表何年有子曰祖雍景龍初擢給事中
 兼侍御史內供奉追惟皇考孝于奉親忠于事君恭于
 立身惠于臨人總是四行旁通具美貽厥孫謀以燕翼
 子故老之口旣絕竹帛之文又滅揚名兮奈何刊石兮
 來裔其詞曰

倬哉冉氏世有仲弓鐵冠繡服給事于中克昭遺懿樹
 之家風於皇嚴孝高明有融德罔不尊藝何不涉嗣武
 先正思文載協建旗千里逮君六葉龜顧印房虵盤綬
 篋官以勤積業因時峻宰號神明椽稱親信驥足旣展
 熊軒亦軻邦國海康京師河潤出車西域我君謀之屯
 田北假我君護之六軍有饋其誰度之一人無憂其誰
 樂之猛獸避德均遷所蒞靈鳥依仁霸昇執事以今視
 古名齊績類天不憖遺山頽此位隴首迴望秦川斷腸
 吏人攀紼哀鴈隨喪虛靈奠野行臨帷堂廟立邊郡魂

歸故鄉王姬祔葬禮之終也水合蛟龍墳同石馬地積
霜露烟攢松檟千載九原高碑淚下

贈太州刺史楊君神道碑

公諱至誠字某宏農華陰人也厥初生人爲姬伯之祖
因邑命氏有楊侯之胤其後東陵奮而開國西漢盛而
移關門廬隱隱亘連桃塞之上碑闕宮宮蔽滿華山之
下明德之後世有人焉大主父隋直閣將軍岷蔚撫毫
道五州刺史邢國公諱貴大父故右衛副率慈汾二州
刺史靜公諱譽考故常州刺史工部侍郎鴻臚卿金紫

光祿大夫散騎常侍太子少師贈儀同三司上柱國鄭
國懿公諱崇敬若夫家聲代業累德積仁故以克隆前
統光啓來葉矣公稟純嘏之粹靈漸軌物之名教端操
以正已崇讓以與人勵精以探道善問以毓德學無不
達藝無不周成童有傾矚之望旣冠爲宗匠之表年十
三調太常挽郎尋補潞王典籤大夫門子執紼橋山王
國詞人曳裾睢苑皆一時之選也明慶中詔郡國舉賢
良公對策天朝無能出其右者遷太子通事舍人再舉
高第徙國子監丞坊監清流才地兼擇東朝束帶銀榜

增華西序影纓環林益潤高宗接千歲之統嗣百王之業封岱岳禪云亭稽于舊章俟茲通博乃除公禮部員外郎祀事克明大典攸序建邦分職得人者昌吏曹居六官之首求郎盡一臺之妙又轉公吏部員外郎準的文昌羽儀丹地丁太夫人憂去職公至行純篤幾於滅性雖杖經外除而柴瘠加等門人記其喪禮天子憂其死孝服畢授幽州三水令曳尚方之舄鳴單父之琴志道不矜其大才勤政無陋其小邑美聲流於幽籥惠化匝於周原又應文擅詞場舉策試天下第一敷陳聖謨

啓沃明主究天人之際建皇道之極如有用我者其爲東周乎朝廷納賈生之言排汲直於外乃拜公隴州司馬未及赴官邁疾卒於長安之私第春秋若干王祥未施於邦政陳實近終於邑長位不充德其如命何神龍初中宗克復丕業格於文祖乃睠從臣緬懷先正以公二子在章綬之列追贈公使持節太州諸軍事太州刺史非夫立言不朽陰德陽報安有貌諸孤而隆家旣沒世而榮號者哉夫人天水趙氏殿中監武權公某之女也受訓公宮作合君子言容賁於國史德行循於法度

六姻之內宗焉始有輔佐之力卒延門戶之寄初公之
捐館也九子呱呱哀哀喪位賴夫人實顧實復日就月
將徙宅依仁闔門成訓三十年內八子登朝廷交虎綬
之華門接魚軒之軫某年日月封梁國太夫人景龍二
年五月七日終於長安之延壽里間者遭家遷播几筵
靡託而今蒙國昭洗情禮獲申以先天元年十月二十
五日合葬於少陵原禮也第二第三子夫人在堂而沒
長子第八子夫人在殯而亡今並列於塋兆用嘉魂魄
長子故兵部郎中徵中子前武衛將軍泚永懷徽烈思

勒銘頌郎中昔嘗緒言意感延州之許將軍今復哀託
請深舊館之悲高跡難名短詞莫逮採諸故老恭存梗
槩其詞曰

昂昂楊君秉心泉懿大河靈岳含光毓粹學妙研精文
道逸思行爲時範言爲故事存蘊令德沒揚虛位善慶
克家哀榮乃備嗣姑稱妣敬妻曰冀復有母儀千載一
致貞墳土龍同封此地芳烈攸哉金生碑字

贈廣州大都督馮府君神道碑

夫積德垂裕之謂仁追遠揚名之謂孝仁則愛鍾厥後

張華公集 卷之十
孝則榮及其親嘗三復于斯言今于馮君而見之矣府
君諱君衝其先長樂人也釋趙歸秦本家上黨分燕徙
越又據高良自遠祖榮懷化侯業以至于大父贈荊州
都督益先考高州使君智幾咸以勲績建旗本郡甲兵
雄于一方政化達于千里君蘊含宏光大之德守冲默
安貞之志秉難進易退之操詣希聲若納之道爲而不
有故物譽難得而稱靜以居常故世榮無由而及以聖
歷之歲終于本城子幼家艱喪禮蓋闕夫人麥氏備母
師之六行履先始之四德處順思柔以成婦道及衛亡

共伯而魯重敬姜誓以汎舟之詩遵其闔門之禮季子
今冠軍大將軍右監門衛大將軍上柱國渤海郡開國
公力士始自齟齬來儀上京既違徙宅之權爰從倍年
之訓感三州之深義易百代之因生捨馮亭之木枝從
高溪之令族千秋仕漢遂去田宗隨會在秦別爲劉氏
遇風雲之感會承日月之光輝茅土答其勲庸貂璫寵
其忠信太夫人踰越嶺嶠就養高堂孝子展白華之勤
慈母欣綵衣之貴精神所感振古難儔噫歎資孝爲忠
隱心後動引桑葢之深誠慕金張之周密敬以衛主愛

以安親而善不彰惠不遠者未之有也由斯言之則哀樂存乎心不以至音改禍福唯所召不以偏覆及詩云魯侯燕喜令妻壽母明神勞善人而壽其母也夫人以開元十七年享年八十有七五月十二日壽終于京兆之來庭里舍天子悼先賢之晦德嘉待臣之克孝思賙綖之未崇愴寃宓之將及于是詔贈先府君潘州刺史備禮飾終招魂合葬是歲也大享宗廟徧謁園陵錫類之恩施于卿士重贈府君使持節都督廣韶循康等一十六州諸軍事廣州大都督夫人受邑舊邦啓號南海

從夫加贈改封越國夫人哀榮備于始終寵光洽于中外爲子之道何以加焉于是與兄左衛中侯元璣右領軍衛郎將元珪等惟舊業之難名感新恩之薦及思建碑表以永芬芳夫毓至德以庇後嗣仁之厚者也揚令名以崇祖考孝之大者也仁爲五常之先孝實百行之首貫經教而莫比標八倫而獨出宜其鏤美金石式旌墳隧無忘清徽昭示來葉何必會稽江上獨有記孝之碑安陵廟前空傳尙德之頌其詞曰

明珠紫貝產于南國代所珍兮允矣君子不耀其德克

全真兮慶流我後高驥迴翥中貴臣兮朱幡象服寵及
泉路榮其親兮孝道不隕勒銘表慕留芳塵兮

贈涼州都督上柱國太原郡開國公郭君神道碑

奉勅撰

文粹題作朔方節度大帥使贈涼州都督郭公神道碑銘

四時平分清秋之氣勁五方異俗崆峒之人武故隴上
多豪山西出將其有雲龍感色星象特生金鼓登壇隱
如敵國麾幢指塞自比長城得之于太原公矣公諱知
運字逢時其先太原著姓今則晉昌人也本乎文王之
子。是爲虢叔虢或云郭因而氏焉自燕昭尊隗以築宮

文粹作四序

文粹作文王之弟

漢祖封亭以列國其侯于陽曲宅彼太原舊矣亭之元
孫友從太原徙隴西昭帝分隴西置西平郭氏又爲郡
之右族友之昆孫武威太守憲憲之猶子散騎常侍芝
俱有名跡見于魏晉則晉昌諸宗散騎之後也爾乃一
門連譽時人號曰三儒四海齊名天下謂之八顧光祿
派分子馮翊廷尉世茂于潁川孝則天錫釜金忠則帝
章冕服仁則猛獸不害信則兒童不欺豈但介休見有
道之碑洛陽聞立德之傳而已曾祖欽瓜州大黃府統
軍上柱國祖才朝議郎瓜州常樂縣令上柱國父師朝

文粹作八凱

文粹作童兒但作直

文粹作虬鬚獨曠

文粹無尋改至副使十四字
累印界

散大夫上柱國贈伊州刺史磧鹵之地戎馬生郊業戰
鬪而宏勲仕州縣而為達啓莫京之繇福不在于其身
積無聲之善慶必流于後嗣公太白之精雷泉之靈膺
家之禎為國而生身長七尺力能扛鼎猿臂虎口虬鬚
鶚鏑射穿七札劍敵萬人子卿路遙遙識將軍之相唐
舉一見足辨封侯之骨解褐以善戰授昭武校尉秦州
三度府左果毅以敗敵北庭加游擊將軍沙州龍勒府
折衝兼右金吾郎將瀚海軍副使尋改朝散大夫伊州
長史伊吾副使以軍累破虜即授其州刺史進當軍經

文粹作本位 為舊作舊為

畧使朝廷以未愜前除且有後命遷本衛中郎將仍為
舊州軍使默啜之寇北庭也公奔命解圍軍聲大振加
雲麾將右武衛將軍封介休縣開國公食邑二千戶開
元二年吐蕃入隴右掠坳牧公兵以奇勝寇不復蹤積
甲山齊而有餘收馬谷量而未盡歸功廟算朝議多之
拜右羽林將軍持節隴右諸州節度大使兼鄯州都督
河源軍使鎮西陲信國之藩屏坐北落亦王之爪牙故
入奉期門出分闕寄于是料敵無備聞其師老潛軍一
舉大俘九曲鑠甲文劔熨馬犂牛既獻戎捷遂頒朝賜

文粹拜下為古字

乃兼鴻臚卿攝御史中丞封太原郡開國公加前食邑
三千戶執憲摠軍典屬乘障增爵益邑遇厚恩深俄而
六州羣胡相率大叛命公統隴右之騎濟河曲之師鋒
鏑爭先玉石俱碎拜右武衛大將軍授一子官賜金銀
器百事雜綵千段班師臨洮遭茲虐疾嗟乎匈奴未滅
宿志不伸生也有涯死而猶視開元九年十月二十二
日薨于軍舍春秋五十有五蕃夷邊鎮血面擢心悲慘
風雲號慟山谷豈非良將視人如子人亦視猶父乎皇
帝閔焉詔贈涼州都督米粟五百石錦帛五百段命都

水使者張景伏備物護葬遵朝典也惟公氣猛而性和
量寬而精銳沉謀可以掩著蔡雄斷可以奪鬼神故常
糟粕韜鈴芻狗風角然其樹恩結信立威用武烜赫如
風濤震盪如雷雨戰必克攻必取每有奏謁帝特稱歎
孝文之得魏尚虜不足憂太祖之見郭嘉知成吾事前
後賜錦衣寶帶文馬素女爛其盈門長鳴在廡感知已
之主陳必死之加皇情西顧則九羌鬩鼓詔書北伐則
六狄焚旗上成聖君之元鑿下効武臣之素節其竟也
如此夫爲人子立廟致敬祖考來格不亦孝乎爲人臣

文粹或善作或善

文粹作弟兄志本不忘文粹作去本不戀

恢疆禦侮以勞定國不亦忠乎若然者歸義方于先人揚令名于後代可也嗣子英傑起復定遠將軍左領軍衛翊府中郎將假紫服金章河西節度副大使英奇朝散大夫前尚輦奉御英協游擊將軍前京兆府勵行府右果毅都尉英彥朝議郎前左衛胄曹參將等或善居喪而過哀或從王事而奪禮則知辛賢父子繼位將軍祭彤兄弟並參師律志本不忘達也而新是謀權也嘉此武功創其宅兆以十年七月葬于太原夫人燉煌索氏附焉禮也皇上念功以惜逝厚給以遇存有詔詞人

為其碑志介士送葬即封征虜之墳單于入朝當祭度遼之墓銘曰

洸洸將軍雄略冠羣平西征北震戎壘獯亭障臥鼓屯田饋軍仗此白刃致彼青雲郭侯宴喜既多受祉元牡黻衣清廟蠲祀鼎食金奏炮鑿膾鯉既來不庭有嚴天子流沙博望羽林飛騎河曲迴兵臨洮舊防手握金節魂沉玉帳千里送喪三軍悽愴詔喪禮崇恩碑義豐生為神將死為鬼雄身世一滅榮華萬空祠連之墓長旌武功

文粹疊作懾

文粹防作址

文粹表作葵

臣劉鳳誥恭校

張燕公集卷十七

唐張說撰

碑銘

右羽林大將軍王公神道碑奉勅撰

維大唐開元十五年閏九月二十三日庚申右羽林大將軍持節河西隴右兩道節度使營田九姓轉運十副大使兼赤水大使專知節度事攝御史中丞判涼州都督上柱國晉昌伯薨于鞏亳亭故也夫事君効命之謂忠殺敵榮親之謂勇干星襲月之謂氣逐日拔山之謂

加有一于此名猶蓋世矧兼其四人何間焉是晉昌所以錯落將星崢嶸山嶽者也公諱君奭字威明瓜州常樂人也父壽因公建績致位九卿臨難守死褒贈特進審塞翁之倚伏達矇瞍之浮休老而益壯沒而立名者矣公威聲發于雷泉武毅標于峒嶺小頭銳上猿臂虬鬚龍劔摧百勝之鋒虵矛得萬人之敵拔自行陣果有呂蒙之才拜于壇場不爽韓信之用始仕鎮戍歷班外府及郎將中郎至軍副率雖驟移官守而恒在疆場郭知運推轂河源握符隴右公未登一命事主將之旌麾

不出十歲代摠戎之節鉞慷慨之士以爲美談于是自驍衛將軍遷羽林大將軍既督隴右兼統河西縮塞垣之十軍佩節制之兩印大田多稼而屯廩百億蒐乘籍馬而鐵騎數萬迺蹈赤山焚罽幕獵清島駟犂牛暗鳴則七戎辟易炬赫則千里震動亭候恃其長城廟堂賴其神將月獻戎捷歲行軍賞王侯無種屠狗起爲將軍戰伐有功爛羊超于都尉前後翻飛幕下奮躍行間跨軍典郡腰金冠王者數十百人矣每至入朝奏謁升殿論邊山川險易立成于聚米攻守方略一決于前籌遙

張華公集 卷二
詔置兵先合漢光之旨新書從事暗同魏武之心故得
延譽上騰風雲鬱其氣色恩榮下達日月供其輝光當
斯時也躊躇攘袂三垂可以氣壓百蠻可以力制卽叙
者老生之常談和親者豎儒之怯計安足爲神武非常
之主道哉誓請先拔犬戎次繫獯鬻盡區域于西海關
郡縣于北荒輝皇靈于天外圖壯節于雲閣其事如果
曠古未儔惟君知臣保斯言之可復何神與善負厥志
而無成是年秋八月吐蕃犯邊瓜州失守盜憎吾將執
致其親公以爲背父立威非孝也頓兵從敵非忠也大

義逼其忘家方寸亂其供國其定計也成列而出討賊
盡狄而退殺身忠在孝先將之道也公馳驛要謀而回
紇內叛以八九之從人當數百之強虜然猶虓噉擊射
殺傷略半亭孤兵盡流矢橫及所謂仆而餘威折而不
撓矣嗟乎嘗膽之憤空結噉肝之怨莫讎天子聞之黯
然興歎人言以命許國夫豈忘其言哉苟收必死之忠
焉問不虞之過至矣蓋聖主推仁恕于天下懸大信于
後人愛欲其生懲晉侯再克之喜惡傷其沒抱秦伯猶
用之誠婉獨見之端豈常情所逮謀臣飲恩于望表猛

將感德于事外然後任人之固衆可知也乃下詔追贈特進荊州大都督禮命窀穸加常二等死事之經也公之伉儷曰武威郡夫人夏氏韓母築城之智孟光舉臼之材拔棘解圍三軍懾其健婦崩城慟哭四海傷其孝妻此又間代之一奇一家之兩絕者也嗣子尚衣奉朝承榮天獎賜蘭星祥名寶禮義形于喬梓哀戚過于縗麻稟訓帷堂克持門戶特奉恩旨收其二蔭飾柩玉關歸魂上國以十六年十月詔葬于萬年縣見子之原鹵簿齊列方相雙引京尹護喪史官頌石千乘送葬觀驃

騎之威儀十里開塋識龍驤之邱墓銘曰

合衆在仁正兵維義將爲天目國命所寄由乃老師輕實兒戲安我封畧才難不易赳赳將軍貔貅絕羣超騰白地騫翥青雲朝盛勇爵家榮戰勲衆聲飛譽帝曰予聞予聞伊何甲兵繕肅屯積萬庾馬量百谷甘心犬戎指掌獯鬻大畢當趾單于可掬壯計先達王師未張城隳孤塞寇及高堂忠先孝後拒敵而亡外仇易復內變難防克日將戰呼天不假岑彭詐客張飛帳下流鏑何人交錢去馬蒼黃反覆哀哉命也美殮姑臧寵歸芷陽

東都門外南登路傍高墳纍纍列樹行行父子同兆何殊故鄉詔刻金石義形意氣隱善必書殤魂不諱事奔忠在生輕節貴嗟爾明靈銜恩永慰

撥川郡王神道碑奉勅撰

珠玉無遠而登輦輅之飾寶也松栝無幽而入殿堂之構才也物貴其用人亦如之撥川王論弓仁者源出于定末城吐蕃贊普之王族也曾祖贊祖尊父陵代相藩國號爲東贊戎言謂宰曰論因而氏焉公有由余之深識日磬之先見陋偏荒之韋蕤慕上國之衣冠聖歷二

年以所統吐渾七千帳歸于我是歲吐蕃大下公勒兵境上縱謀招之其吐渾以論家世恩又曰仁人東矣從之者七千人朝嘉大勲授左玉鈐衛將軍封酒泉郡開國公食邑二千戶周語曰犬戎樹敦守終純固今其俗獷而輕死其法折而不撓故前代無降人中土無僮僕自公拔身向化首變華風澤潞之間始見戎州矣若夫河南胡苑坳牧所利每歲冰合虜騎是虞中軍必謀于元老亞將固選于時傑神龍三年以爲朔方軍前鋒遊擊使景龍二年換左驍騎將軍開元五年兼歸德州都

督使皆如故八年遷本衛大將軍改朔方節度副大使
公之理兵也堅三革利五刃偶拳勇齊足力信賞罰分
甘苦六轡如手干夫一心接獯獫猶蚊蚋臥沙塞如衽
席薦居露食垂二十年雨畢而成師冰泮而休卒寒氣
入于肌骨夜霜入于鬚鬢人不堪其勤公不改其節韓
公之建三城也公洗兵諾真之水刷馬草心之山以爲
外斥而叛徒安堵鄭卿之和默啜也公授館李陵之臺
致饗光祿之塞以爲內候而賓至如歸九姓之亂單于
也公四月度磧過白檉林收火拔部帳納多真種落彌

川滿野懷惠忘亡漠南諸軍趨其計也降戶之叛河曲
也公千騎奮擊萬虜奔走截翦略定師旅方旋而延陁
蹶跌復相嘯聚上軍敗于青剛嶺元帥沒于赤柳澗公
越自新堡奔命寇場贏糧之徒不滿五百兇醜四合衆
寡萬倍公殺牛爲壘噉寇爲餉決命再宿衝潰重圍連
兵躡踵千里轉戰合薛訥于河外反知運于寇手朔方
諸軍壯其戰矣研摩之奔也邀于黑山口覆其精銳市
惠之背也追至紅桃帳掩其輜重乳泊之會荊蘭池之
狂胡不盤之役縲方渠之逋寇凡前後大戰數十小戰

張燕公集 卷七
數百算無遺策兵有全勝是以六狄逃遁三垂又寧聲
暴露于天下業光華于代載信皇威之所加亦武臣之
力也故錦衣寶王允答戎功甲第良田丕承錫命語其
智効未甚優寵黃頭黑齒比價齊名積戰多瘡累勞生
疹恩命尚藥馳往診之晉豎以深奈醫無及十一年四
月十五日薨于位享年六十有六制贈爲撥川王稱故
國志其本也太常議諡曰忠由舊典昭其德也長子盧
襲官封繼事業次子舊久特拜郎將十二年四月詔葬
于京城之南懷遠人也太常鼓吹介士龍旆虎帳貔裘

封穉殉馬吉凶之儀舉夷夏之物備長安令摠徒以護
事鴻臚卿序賓以觀禮哀榮之道極矣君臣之義厚矣
有命國史立碑表墓吾嘗同寮敢陳遺烈銘曰
黃河接天清海殊壤舉世安裕拔俗誰放倬哉論侯利
有攸往奮發橫絕搏空直上以眾款塞因敵立勲吐蕃
萬戶吟嘯成羣精感天地氣合風雲旣封酒泉乃位將
軍朔方陰塞直彼獯虜帝命先鋒闕如虓虎山北加電
漢南擊鼓十數年間耀國威武我有師旅將軍鞠之我
有邊毗將軍育之柳澗亡師一劍復之蘭池叛胡三戰

服之武節方壯朝露不待王爵送終宿恩未改時來世
去人亡物在銘勲謚忠以告四海

唐故高內侍神道碑

孝足動天義堪變地河中見三州之姓炳彼精誠南亭
聞再逢之母彰茲奇事不有陰德曠代誰鄰內侍高延
福者將軍力士之慈父也粵自西雲干呂東明銜璧以
亡王之族處巷伯之官而將軍本繫馮亭代家南越未
知父母來奉宮闈老而無子曰悲幼而失親曰苦調之
悲者笙磬異器而同音貌之苦者秦胡別狀而共色從

此斷金合要投漆相受承順無違日嚴生乎本性仁慈
匪飾天屬由乎自成父子之名既定姓氏之目因移大
將軍之家去鄭而取衛平原侯之室變郭而從甄亦猶
是也旣而內侍以鴻漸登朝苒蕝朱紱將軍以龍樓得
主豔耀金童其訓子也溫室之樹無言車中之馬數對
其事親也三牲有養志之樂百行無匪疾之辱至矣哉
高氏之子也以思親之願而展親以欲報之誠而報德
神明翕而哀懇荒裔疎而慕義乃有傍求聖善提挈炎
洲二紀積離萬里遙至音容莫識涕淚茫然驗七星於

子心認雙環於母臂而後深傷頓感若墜谷而登天蘊
怨都除類愈朦而覩日於是盡歡二媪兼敬三人均養
之恩咸不寐于十起反哺之志齊色難于一堂羣公賀
虞潭之親天子歎馮勤之母此復然矣內侍事主四朝
歷官七政專良恭肅著美綸言冲謙儉讓得名朝列年
六十有四開元十二年終于來庭里明年五月葬于長
樂原繼子力士喪孺慕而加等葬盡誠而備物義方之
經鬱爲稱首孝德之傳今見其人永維先恩追綴餘烈
若夫慈羈旅之稚童仁也約詩書之尊教義也貴不居

而要避權禮也生推心而死有託信也仁爲德本義爲
行先禮爲身宅信爲意田故仁之報也壽義之報也樂
禮之報也安信之報也順履順居安乘樂享壽此四者
生人之偉事自求之深致者矣於戲領賜冠馳寵勢偃
蹇谷上煜爚君傍者豈不思景行高山慎視前轍如或
少選亡禮顛沛違仁瞻言四報咫尺千里揚芳樹淑其
不難乎予固春秋之徒也懲不濫而勸不僭義重天綱
孝崇人紀樂諄諄之成訓善哀哀之克子不著倚相之
書將受邱明之恥九原上千月深覽碑版傷知音有以

見古史之心也銘曰

高堂樂未散重壤哀已擗寶帳吹靈衣金樽照塵席苦
長夜之易泯怨寸景之難惜刻義聲與孝心萬古千齡
傳此石

大周故宣威將軍楊君神道碑

公諱令字令一太州仙掌人也隋司徒觀王之元孫周
孝明高后之歸孫今司衛卿之元子維有隋接三統建
萬國我高祖以同姓爲王維皇周敦九族叙百官我諸
楊以外戚而貴公體元黃之純粹承河山之丕緒孝乎

內炳忠焉外均性與天和道合仁愛收恤孤老分產踈
屬汰于周施約于妻子加以樂善而好學降尊而容衆
能辨樂和思柔酒德容止可度溫溫如也文章可觀彬
彬如也淵英皎穆當世碩士與之遊焉而曰君子若夫
漢魏舅族有恩澤之封公卿門子有良家之侍公浮雲
世祿匪石儒風究乎王道之紀綱明乎人事之終始年
十九舉進士高第授潞州參軍轉千牛胄曹遷洛陽尉
從班次也居無何拜朝散大夫行通事舍人俄而加太
中大夫檢校天官員外郎夫行人之在周禮方國是接

公修其政令帝曰余嘉郎官之著漢儀列星是應公司其典故時稱邦則國家左賢右戚一文一武以公地望羽儀寄深虎旅除宣威將軍行右衛翊府郎將僊從事非其好也初公時爲郎也遼戎悖逆作患幽冀臯上噢咻下人故我有神兵之役選達權靡鹽之吏佐猛毅維城之師乃下制以公爲兵曹焉實有密贊軍政獨飛長策豈云卒乘輯睦戎機式序若此而旣哉俾雷霆颺動勦慝殿邦威元兔懷黃龍馬未汗而狄盡人未疲而兵輯者公與有力也及班師振旅冊勲踰時帝用咨有

司之違古念有功之未祿將遷德命需多敕有日矣方當翼大化增三光之明熙天秩垂九德之聲昊天不惠厲氣流行如何斯人胡不眉壽年四十一聖歷元年夏六月辛丑遭疾而卒嗚呼哀哉梁木未施予道不究呱呱稚嗣仰號蒼穹哀哀嚴親惴臨淵谷遐邇察舊暨乎欽風未識之徒罔不盡朋悲而輩歎矣天子憫然弔之以玉冊贈之以錦衾羣公傷然諫德於素旆圖像於青史粵乙卯假葬于合宮縣平樂鄉之北阜郭門十里卽山西崗巒萬古之阡都邑九原之地隧寄新隴魂懷故

域藐視諸孤未遑歸葬平生志事孰已焉哉厥弟五人
比才運譽曰踐一獻一循一惟一尚一等因心則友世
稱萬石之閨門死喪之戚吾見伯淮之兄弟僉曰我圖
後事日月除乎哉龜云此地陵谷居乎哉乃布哀友生
托詞懷舊跡德表墓示之來昆其銘曰

洪河南注少華西峙氤氳靈會生此君子生此君子維
國之紀宣慈惠和禮樂文史敦錫崇類激揚燬否勤然
濟物若不由已克明從訓誕敷厥美脩詞北闕潤色東
里揮翰文昌列星順晷交戟禁衛爲王爪士允文允武

翁歸是比疇曰禦寇諗軍北鄙攘狄黃龍濟師蒼兕將
王元默繁公是恃帝懿乃勲將圖膺仕仇仇執憲不我
力以役彼大勞未受多祉景命無祿洪基中圯父兮葆
鬢孤子稚齒孔懷靡及凡伯瘁止陟彼邛山邱墟歲礫
荒草無際羣哀所起吁嗟楊侯託居此矣沕滴綿曼德
音不已久客思鄉永懷桑梓

唐元城府左果毅贈郎將葛公神道碑

公諱威德字某曰葛氏京兆涇陽人也其先嬴姓咎繇
之後夏有葛伯氏族興焉寧陵之傍尚傳侯國綏山之

下獨有仙祠嬰則威服五城襲則績稱二縣鴻臚秀於
吳會散騎崇於晉景在其子孫是宜繁羨公生而開朗
長而英拔非因馬鄭之學動合禮經不待孫吳之書暗
同兵法有拳勇尚氣槩顧盼稜華風神都爽五馭善於
東野六射勁於西霜少以嫖姚之才入充供奉之選御
橋驂駕犯清蹕而不驚輦道啼烏應鳴弓而自落便蕃
左右星歲重深賜上柱國拜元城府左果毅天下大定
李廣之用無施雲中薦賢馮唐之言已老春秋六十五
神功二年某月終於洛師藁殯邛阜夫人太原郡王氏

夫人郭氏實生大將軍福順一見聖主再紐乾綱重位
冠乎北軍茂功藏乎兩史故象服臨祭魚軒以朝天子
深嘉歎馮勤之母羣公列拜賀虞潭之親享年七十五
薨於京兆之三真里公愛敬奉親軌則可移於後代義
方訓子福祿來及於先人葬有日矣乃下制曰禮著節
終情惟悼往詢諸前烈抑有舊章前左羽林大將軍葛
福順亡父某守其謙素宏此藝能未展才術奄從荆殞
而嗣子克家式昭勲業旣念功以追遠亦自葉而流根
宜申獎贈俾慰泉壤可贈游擊將軍守右驍衛翊府郎

將開元九年二月九日葬我郎將君前夫人王氏後夫人郭氏祔焉禮也章芾以禭輅旗在列廟食備其牲牢法葬陳其簫鼓孝慈之道著矣哀樂之禮畢矣尋彼生平之事忽如絕光繫乎碑版之文永存遺烈銘曰
硜硜都尉角立傑豎神銳玉劔氣雄金鼓六藝爰設射馭爲武百行雖名忠信爲主時不兼命位不充才善流慶答身謝榮來太原棣棣寓惟嘉偶羽林桓桓克大其後

唐故廣州都督甄公神道碑

君諱直字道一中山無極人昔胡公紹舜奄有大邦楚子縣陳逃威樂土當烈王之王也有陳通奔周王以爲忠將美其族言舜居陶甄之職命爲甄氏錫姓因生如堅之讀形聲轉注以真爲音處則稱劉明歸晉者以異變而爲郭蓋承號者有馮通之襲邯仕漢爲太保大司馬承陽侯邯十六代而生鸞仕齊爲太山太守司隸校尉無極縣伯撰笑道論行於代鸞生隋汾州刺史族族生隋沁州刺史紹紹生隋新市令協協生單于大都護府錄事叅軍贈宋州刺史封惟祖惟曾在商在夏世濟

其美永觀厥成君卽宋州府君之第四子也博綜經史脫略流俗情之所遺對咫尺于千里氣之所重輕百金于一諾曰興曰比階應劉之闡與或草或真藏鍾張之筋骨譽滿鄉曲聲聞闕庭天后臨朝再加寵命皆辭以親老不赴逮疾革易簣骨立廬墓復有制徵焉刺史獨孤楚率府寮敦喻起于墳左乃授左金吾中侯生盡其養豈違親許人沒盡其哀方委身殉國或用或舍有以見大君之仁時止時行有以觀大孝之節君臣之際其遠矣哉尋除左千牛長史檢校武始軍長史攝右臺侍

御史兼靈武道行軍長史攝右屯衛郎將副臨洮軍使轉右驍衛右郎將爲臨洮大使拜蘭州刺史兼榆林臨洮等軍大使除夏州都督兼鹽州防禦使徵授幽州都督衣之以紫攝御史中丞爲河北軍州節度大使君政成周月惠則在人患是緩風表以去職未幾復除夏州都督屬山戎矯虔倣擾王畧兵落天上思迴行以出奇虜墮計中守便宜而未進時以爲逗遛貶撫州刺史朝廷明此舉也未到官遷廣州都督兼嶺南按察五府經畧討擊使春秋五十有七開元五年七月二十八日終

于官舍以年月日歸葬于恒陽之王公山南原不忘本也君三承辟命再攝憲曹八典戎旅五司藩翰事之去就所歸必執其中職之高卑爲政各當其選觀夫果于事喻于義下學而上達強立而知類畏克厥愛道無常師有商也之文有求也之藝習禮必本飾之以精華積行必崇茂之以枝葉以此探蹟則投刃皆虛矣以此効官則操刀必割矣是故羣士之所鞅掌而君之所綽約常情之所戚戚而君之所蕩蕩由是言之槍榆之與海運鳴琴之與星入從可知也惜其志懷慷慨雅多大畧

授桴作氣有七縱之能孤劍無前當萬人之敵竟不得橫絕漠騁雄算刮狼羴之稜鏡乎太清卷瀚海之波靜而可掃鬢髮之足受羈騏驥之途堂堂之貌不畫麒麟之閣彼哉彼哉有遺恨矣其孤某等望兮不至求兮不得永懷揚名庶慰罔極銘曰

有鰥在下陶復河濱元女作合相攸于陳楚爲不道祚以永淪周寵忠節氏以初因不惟承陽致君論道施及無極建家載考彼汾彼沁伊時之寶宰兮牧兮亦孔之好積慶潛演俊又挺生標格磊落氣志清明八司戎事

張燕公集 卷之六
厥謀有成五刺方伯厥政有聲山有杞梓工思其度國
有孫吳君思其略弃德珠浦遺氛沙漠惜哉不當今也
可作恒岳臨北滹沱注東仁不忘本孝亦令終壽堂盤
薄牧子克窮勒美松隧穆如清風

臣劉鳳誥恭校

張燕公集卷十八

唐

張

說

撰

碑銘

唐故豫州刺史魏君神道碑

公諱叔瑜字思瑾曰魏氏鉅鹿曲陽人也考太師鄭文
貞公致君皇極配神清廟故祖德胄系叙于太宗之先
碑矣公生育慶緒天然炳胎教之資少長德門日用成
躬率之化性盤于孝友習狃于禮樂俛仰中則從容蹈
道加以專精好古旁通多藝聖人之所志聞一而反三

張孫公集 卷之八
君子之所能舉十而知九與同生璘琬知名當代始以
門資補左千牛轉洛州司兵司議郎職方郎中太子洗
馬出爲懷州長史歷慶慈儀豫四州刺史春華韞于兩
宮時雨零于四郡觀風之始所在聲聞變雅之老到今
遺詠其年春秋五十有一終于豫州葬于舊城夫人太
原王氏祔焉禮也議者以公不避強籟有昭子之政事
不爲皎厲有康子之隱德虛己尚賢有文侯之樂善重
諾分急有信陵之高義人鮮有一况兼四乎公賦入封
君妹歸帝子車馬無減里之盛衣服有儒者之節儉而

得禮富而無驕此蓋奉先之素履也公善于草隸妙絕
時人以筆意傳次子華及甥河東薛稷世稱前有虞褚
後有薛魏此又貽訓之餘美也嗟夫嗟夫公學埒向歆
操齊固燮若天假三壽朝登六事則鄭之桓武可尋漢
之韋平一揆而年近知命位止方州落鵬翼于半霄負
天之力莫展頓龍媒于局路追風之勢斯畢九原不作
誰將與歸二子獻華追存先德俾予作頌以慰罔極銘

曰

昂昂豫州毓粹含道欽若古訓思文烈考於穆烈考維

張氏公集 卷之六
國之師公承丕構思皇纘之發軔臺閣風流榮問建麾
千里澤露四郡位未充德命不遂才彼蒼孤善謂之何
哉子孫必復邱封永久穆如清風振芳厥後

唐西臺舍人贈泗州刺史徐府君神道碑

叙曰經天地揭日月文之義也掌邦籍出王命位之崇
也本乎言行君子之樞機成乎易簡賢人之德業則徐
公其人也昔公奮明哲之資當高宗之盛天保大定俊
乂用章而光耀天臺雲飛綸閣文敏以暢機務稽古以
析嫌疑禮樂政刑擇三代之令典典謨訓誥有唐虞之

遺風較然于庶績者可得而聞也其嘉猷讜言沃心造
膝滋液內潤精微外密混成于元象者不可得而聞也
公諱齊聃字將道姓徐氏東海郟人也遠祖偃王基仁
義于上代嚴考孝德濟宏美于近世公始以宏文生通
五經大義發跡曹王府參軍右千牛兵曹潞王府文學
崇文館學士兼侍皇太子講又芳林門修書于時中朝
碩老下國英雋皆忘年請交不遠來謁望其路者若晨
風之赴北林得其門者如衆山之仰東岱公不樂趨競
雅尚退謐深以椒房之家聲名太甚求爲外職出宰桃

張翥公集 卷之六
林未下車勅改沛王掾終歲選擬司績負外司議郎並
不就乞補雲陽令到官累日詔除司城負外郎乃遷西
臺舍人其爲政也如始云爾初公幼而殊異八歲工文
太宗聞其聰明召試詞賦錫以佩刀金鞘稱爲神童及
中年高宗嘉乃道優悉命皇子受業訐謨帝采許以國
鈞故公備更潞沛豫諸王侍讀上之在周邸公嘗來詢
詩焉夫然集虎觀之書承龍樓之問二宗之代矯首辭
林四王之門從容經席非有海山之藝溫良之德儀形
以孚柔嘉維則其孰能發揮聖智啓迪天人者乎咸亨

元年出爲蘄州司馬二年坐事徙于欽州君子大守道
而小守位污隆隨時屈伸以義去令尹而不愠失司寇
而遂行蕙蘭敗不爲不芳日月蝕不爲不明古務忠信
何陋蠻越優游欽江歲餘而沒春秋四十有三惜乎不
登宰衡以平天下天天是瘞命也與旣而慶隆嗣子返
公孫之柩德施後王拜先師之爵上元三年某月歸葬
于少陵原中興神龍元年賜泗州刺史褒賢追遠念道
尊師聖人之禮也議者以公考果州府君高學才華香
名省闈武帝賢妃姊也大帝婕妤妹也公旣高步掖垣

子又踐修舊職同生標藻于鸞殿重世含章于鳳池自
班姬父兄文雄漢室左思女弟詞蔚晉宮悠哉二族徐
氏三矣才難不其然乎凡是好文之君賞音之士公之
逝也豈不慨然閱青簡而存凌雲之志操朱絃而想流
水之屬哉厥子曰堅景龍中加金章紫綬行禮部侍郎
得以命卿之祿奉蠲潔之祀無念烈考樹之家風廼刊
石立頌將以識往行據無窮使本支百代不忘先人之
殞其名也其詞曰

王言維令中禁是司帝嘉文父曰汝宜之終溫且惠習

禮明詩長裾入侍大筆修詞鴻業潤色元黻緝熙昊天
大戾君子明夷蒼梧啟手涅而不淄中興受命逝者無
追靈符泗水崇贈先師髣像精魄丕承聖期教近子貴
榮躋父慈學嗣三業才俱一時春秋孝享霜露深思後
之視者斯文在茲

大唐中散大夫行淄州司馬鄭府君神道碑

五岳可陟惟德也爲之崇高萬物皆化惟名也謂之不
朽若夫行欲蓋而德彰道無求而名立嘗聞其語今見
其人公諱某滎陽人也華州刺史襄城公偉之曾孫蒲

陽太守大濟之孫荊州刺史乾獎之子在昔周王敦叙
九族邦懿親于鄭維時鄭伯敬敷五教賦善職于周其
後蕃衍儒門光華士族威行西域名震京師入則天子
授經出則單于抗禮公揭日月表山川體二氣之清淳
納百代之層慶越在岐嶷異于常童旣以冠帶遊皆長
者初以門子宿衛解褐涼州參軍轉嘉州司士又宰鍾
離當陽二縣皆秩滿兼攝江陵期月政不改俗官不易
方羣盜出奔遠人來附其所處也入境聞愷悌之聲其
所去也扶路有鬱陶之思非夫忠信以結之法令以齊

之易簡以業之仁義以肥之孰能順人如此其理者乎
神皇玉册受天金壇拜洛頓綱而鶴書下闢門而羣龍
至公待詔公車召議宣室自以奇士承一顧之恩許其
正人叅四率之屬乃墨制除太子右清道長史尋加中
散大夫行淄州司馬負士元之才于是拜職遇邱明之
疾從茲挂冠洛汭閑居漳濱沉痼優游卒歲福應愆期
豈惟朋友之哭將見神仙之弔享年七十有九神龍二
年夏六月十五日終于洛陽之私第冬十月一日葬于
滎陽之原成先志也公執親之喪三年泣血以聞州里

不亦孝乎先人餘業一物不有以讓兄弟不亦悌乎加以賑窮紓急隱德陰施惠人由已反身待物是用氣類益親聲談載路善擊劍好投壺盡五射之妙巧究六書之體勢此蓋行有餘力則以多能位不充量天之命也宥子曰博古曰傳雅曰嘉徵曰嘉慶曰嘉重生極其養沒過乎戚恭惟皇考安宅靈邱盛德備于卑位家風缺乎國史伐石他山寄哀詞客子產遺愛得無叔譽之言公業不忘實有荀攸之歎式撰鴻烈垂之後昆銘曰大君有命桓公封鄭世執王政其後不競為韓所并以

國成姓沈水截河溢為滎波荆山之阿勝氣實多高門峩峩袞服委佗猗嗟君子世濟其美動如義市居成仁里鳳集文史猿啼弧矢善政當官惟人所安救危拯越勞而不伐大運奄忽芳畱形沒高隴既封深泉又重徑無人蹤蒼苔歲濃哀哀邱隴墮淚青松

唐故贈齊州司馬陸公神道碑

公諱孝斌字順姓陸河南洛陽人也其先帝嬀啓姓陳胡立族敬仲之孫有齊國宣王之弟封陸鄉蓋命氏之所由興也秦并諸國陸氏分適燕魏文成帝時東平成

王俟生平原簡王麗重世游美爲國之華公卽簡王七世孫也曾祖彥昇北齊以文藝高選仕秘書郎以至德表所居號終孝里祖元亮隋鷹揚郎將父淳感盤桓利貞弓招莫進同誌誅行謚爲惠康自成簡至惠康孝悌仁義世不殞矣公誕靈冲和稟識高明簡而中禮易而達節篤學勵行著實飛聲文史者宗其淵府德行者仰其墻仞舉國子明經選絳州叅軍台州司法其在官也示人親其親長其長不苛察而小無廢不皎異而大有成知識日明常澹如也喪親過哀因中風廢臥疾累年

不起楚邸肇封大羅雲逸雖沉疴未弭而僉望先歸授楚王府兵曹叅軍實有躬降師賓之禮目擊儀形之訓府罷換趙州錄事叅軍以病去職聖歷元年匈奴入趙公危邦不處盡室以行望河南而將濟至黎陽而疾甚年六十二月丁未終于姚村之逆旅歸殯于滏陽之郭北光天二年皇帝踐祚以故吏贈齊州司馬惜哉用公之道行公之志上可以序三光下可以平九土存則位不充其德沒則榮不逮其身命矣夫夫人范陽郡太君盧氏故岐山丞元瑾之女恭儉之德備貞信之教興

妻道母儀自家刑國享年七十有六開元六年十一月
丁未終于洛陽之宣教里八年五月丙子合葬于漳北
之神崗禮也初咸亨中王師征遼公叅是軍事友人太
原王守義遇疫于海東路艱寇阻兵危勢急公獨顛沛
致喪歸其井邑其在安州也朝廷以公精達法理乃命
復囚劍南梁岐寃繫動盈千百丹筆所詳十全八九其
舍生徇義反已施仁皆此類也禮莫重乎節終于是見
其不朽矣善莫大乎餘慶於是知其有後矣四子伯玉
仲容叔獻季良泣血銜恤視天若墮俾予作頌式昭遺

烈銘曰

曠哉陸公觀奧臻妙文雄外柄清明內照從政本仁資
忠移孝不言而理正身作教才何富之命何負之居喪
柴毀遭疾棲遲垂袂雲翼落此盛時歿後榮進終延贈
寵德之休明位匪爲重嗟嗟千載賢士之隴

唐故瀛洲河間丞崔君神道碑

蛟龍蟠乎沼無雲雨而不翔君子志于道無運命而不
彰然則變化者是神靈之末富貴者非德行之本守其
貞樂其分不其至矣世有人焉君諱漪字某博陵安平

人也在唐爲姜姓炎帝之孫也在周爲崔氏齊侯之胤也遙源長發洪河之水接于天曆盤列秀太行之山拒于海東觀所以美其文宗北州所以貴其清族魏冀州刺史簡公諱纂君之高祖也齊散騎常侍諱缺君之曾祖也隋大理少卿諱世立君之大父也故祁陽令諱杭君之皇考也承百代之隆慶總五德之清淳孝友忠肅宣慈恭儉好古博雅鄰幾亞聖盈而若虛漠而無象非夫入周公之廟升孔子之堂則憲章禮樂鮮得其門而覩矣弱冠以門胄入國學舉進士母弟汲亦以明經同

年擢第大理卿張公文瓘人倫之表也目君曰昔兩劉並舉以爲騁二龍焉今兩崔齊飛可謂儀雙鳳矣搢紳景慕憧憧往來徙宅就居投刺成市若衆流之赴壑也及親而仕盤桓利貞解褐澤州晉城尉降爲光州安樂尉換蘄州黃梅尉轉河間丞凡更三尉佐四邑體公綽之不欲勵伯夷之高操臨事以簡御人以寬雖爲小政必有可觀故八使巡風再薦清白河上遺老江濱舊吏吟咏餘聲祖述前事人到于今稱之若夫碧樹烟藹于江潭紅荷藻耀于澤畔寶貝烟光于空浦美玉明潤于

斷岸不爲珍興瑤輦之飾前殿後池之玩誠自得焉必將有賞心之所歎也况乎殿邦光國之寶樽俎柱石之器道爲帝王帥言爲天下利已而稅遠駕于窮轍頓高才于下位亦無惜焉固將有知音之所歎也垂拱元年奉使上都遭疾終于時邕里之旅館享年六十有二夫人河東裴氏湖州治中懷儉之孫滁州司馬昉之女也稟訓華室作合高門嗣徽先姑克和娣婦德容之盛圖傳罕有喪親過哀舜華朝落儀鳳中卒于鄭春秋二十有八長安三年春二月合葬于金谷鄉邨山之陽禮也

北據高岡連隴南面大道禁林上國皇州川原指掌仙門宰樹碑闕相望元靈嘉之是安是宅嗣子曰用景龍中爵安平縣子職兵部侍郎夙遭閔凶不承誨誘慎終追遠克家用譽蒙聖主拔奇賞異絕等超倫三顧赤墀之下一舉青雲之上祿廩所資吉蠲致美實先人宥于世降百祥之所及也夫惟官不達者身不登乎明堂行不夸者名不書乎史冊則韜光隱德之緒俾後代將何述焉夫銘景鍾稱茂伐大夫之事篆豐石揚令名此孝子之志辭曰

維嶽建國厥生炎帝維師尚父諒彼武王古人言曰必
 齊之姜齊之丁公後有崔子因邑命族世濟其美黃鶴
 倚歌雕龍擅史倬哉嗣武含章挺生以蒙養正用晦而
 明混之不濁人莫能名學以崇道文以慰志垂其雲翼
 坦然卑位祿逮吾親榮非我仕皇皇上帝建官惟賢有
 人在下胡寧捨旃孰云輔德曾不永年展矣邦媛宜其
 家室友如樂諧皎如月出重壤既兆終天偕畢北陵墳
 邱松檟千秋金碑石樓祇令人愁東都城郭通澗纏洛
 飛橋連閣金管迭作人世之傳然兮山川之宛然兮德

音之緬然兮

故洛陽尉贈朝散大夫馬府君神道碑

君諱某字某扶風人也其先伯益贊禹中衍御殿在周
 曰羸在晉曰趙上卿以人歸政將軍以馬服為姓緝熙
 乎平通重合焜耀乎伏波中水我高祖汾州刺史諱歸
 歡我大父鷹揚郎將諱仕幹嚴考獲嘉令諱果濟美惟
 舊寘德于君君幼而瓌奇長有規操樂道稽古升堂觀
 輿伯父匡武撫之曰亢宗保家吾有望爾悉以先人家
 課圖傳付之入太學舉明經補巴西尉內憂去職君四

張氏公集 卷之六
歲而孤重集于蓼因心孺慕名教同傷歸次葭萌江溢
毀道攀轡號慟濤爲之却蜚人哀之葺棧而濟釋服調
襄陽尉主進魚家絕鱸食州將魯王俾盤二百魚時其
亡也遺之夫人以辭君還拜受使復王曰非惟是夫又
亦賢婦吾嘗其一得其二善焉長史盧幼孫悅是獎也
舉君清幹有聞授清城尉未往且有後命爲河西營田
判官物土稽人藁穀洋羨皇揆其懋考績登焉程務挺
之軍靈夏也咨君運籌乘遞入幕獲虜數百欲勦罄之
君諫曰王者之師將德是以討叛惟武攜遠在寬搏牛

之蚩不可破虱未擒伏念何逞纍囚乃止師歸策勲上
柱國改溫縣尉永淳祖飢廣提中外絕甘分少約己周
人旣喪好迷宰無嬖御夫人張氏詹事丞師寂之女也
敬事皇姑能佐君子娠有胎教宗如樂諧前誌之美多
所闕載絳郡夫人王氏則天聖后姑之女子而夫人之
母也嘗曰婦則女訓吾女有焉享年不永元髮徂落時
君之伯姊歸宗夫人推居廡寢事之而躬處下室及亡
設几筵于正寢惟明靈以女公之故憑巫通夢屢寢爲
辭舉家懇啓久而後定嘻生則盡禮死而知讓殆其神

不昧乎温秩滿轉洛陽尉當周之興也版都社澤郊廟
倅紛獄僕明堂京轂回回日不暇給又勅君專總徒匠
凡三百有餘旬蘊勞成疾聃憂損壽永昌元年孟夏辛
卯卒于官春秋五十有七帝用悼之贈朝散大夫旌淑
紀庸禮也龜玉在山泉爲國寶以其靈與瑞君子居下
位而上達以其名與義夫是之寵有由也哉葭萌之戚
昭其孝也揚侯息浪異類胥感襄陽之饋識其潔也德
刑于家聲聞于外墓垣之讜植其仁也衆倂賴全將不
爲暴重屋之役底其勤也沒而益榮朝不棄力有一于

此猶爲令德况備舉乎豈惟其身將施其後厥子構據
擇皆國之良也爲有後之其在是乎徵構職太子僕景
龍初宰長安永惟考襲朱芾已佩慈珩母氏早逝而榮
不及乃讓賜階乞封先妣天子憐之制贈夫人清河縣
太君人謂長安能報恩矣詩云欲報之德昊天罔極此
之謂也馬氏之墓世在扶風清河之喪也卜宅于洛陽
邙山麓後君捐館因窆其所夫人穴于兆之甲大夫窆
于域之庚今龍集戊申將返葬故國君執友禮部侍郎
嚴善思論之曰夫子之逝一終八辰精氣其存親壤石

矣吾嘗相二土從新其愈乎且不戀木達不合葬古神
尙休無或變有夢先君者與其言叶于是祇率嘉話卽
安成規埋雙墳溝四壑傍建祠宇前勒豐碑茫茫天地
永懷長畢誰居後之人匪惟是四時蒸薦之事所以觀
百代祖宗之烈其詞曰

昂昂大夫有邈其致治聞膺敏嗣窮錫類孝實迴川清
能改位佐邑惟五安人則四多稼穰邊昌言扈帥比義
后稷勤官沒地歔歔朝天毳衣以遂我有合德追啓清
河宜家族揉主祭神和親戚光貴劔蓋金歌相從先後

樂此山河

